

1977

L

1054

Ihesus.

allerheiligste tzeit E.g. vnderfessen vō Adams werck
ken/vnd gottes genaden gepredigt/vnnd bester meis
nung allein got tzu eeren ewren gnaden tzu gotlichs
dinsts meerung hochgeflissen/der pilligkeit tzu gefal
len erstlich/vnnd wem es tzu guthe künmen mag (wie
dan gebethen nachmals tzu seliger vnderterich tzu ges
schribenn/mit fleissiger bidt E.g. in genedigem gefal
len(wy dan wol vnnd im besten gemeinedt) an vñ auff
tzunemen. Darinith ich nach got Eegenandte sancte
Anne newe stiftung/meine brueder vnnd mich euren
genaden wil ytmals vnd ewig haben befolhen.

A ij

Yhesus Maria Anna.

Nach dem vnnnd menigliche in Christlicher Nation/ waserley standes / dignitet / oder wurden der befunden / vber seiner seligkeyt eygen vormanender pflicht. So tzuuonmüß tigen vnderschiedliche seines alters / iharen kummen. Doch auffß wenigste eyn mahl ym iahre / sich gantz grundtlich seine sunde tzu beclagē / auffgelegte buessze muglichs fleis tzu tragen. Vnnnd das hochwürdigst Sacrament in Osterlicher tzeydt tzu empfangen schuldig mit ernstlichem hebot / der kirchen erindert. Auch mit anhengiger straffe die vbertrether / Als nemlich ym leben von der gemeinschafft / vnd dem eingangē Christlicher kirchen außgeschlossen. Nachmals in absterbunge keinerley seligen begrebnuß / vnnnd stelle gewertigt gantzfestiglich eyngē tzuwengedt. So auch wie genungtsam am tage auff bestimpte Osterliche heyligste tzeit Christliche samlung / heuffigt / vnnnd in gedranck tzu beycht vnter buessze / des allerhochwürdigsten Sacramentz empfangung gros gyerig (doch nicht wol sicher) dan etzlich auß tzuwanck vnnnd ersten blick ym anschauen dieses geboths / vnnnd Christlichen mandaths / Aber ander villeycht aus iahrlicher gewonheydt / mehr etzliche in vormutug / als gätz wolgeschickt auff yre beichten / buessen / hende auffhebung / mit fasten / andern yhrer eygen vordienst / vnd schatzung / wiewol gantz vmbkardt / auch vorführlich sich trostlich steurē vnd vorlassen zc. Doch widerumb nicht der wenigst theyl / den ytzt genanthten vngemesz / in anschawung yhrer guthen werck spolirt / geblundert / nackend vnnnd bloesz in kümer (mocht reden / sicher in gantzer vor tzuwtefflung) fast ferlich vnnnd vngeschickt tzu der hymnlichen speis. Nicht sage ich tzu dem himelbrot /

Thesus

sunder eben / zu dem brodt das Christ⁹ selbst ist / den
guthen das leben / den boszen der thodt / vns vorfun-
digt / vnd außgeschrien sich bekennē zc. ¶ Doch ym
tzuganc^t got allein offenbar / vnd yrh geschickligkeit
menschlichem vrtheil vnd erkentnus / so gantz vor-
borgen / also ereugen vnd heuffigt / fast in allen stendē
also befundē. Derhalben in behster meynung / alleine
got zu lobe / zu vnterrichtung vnd gemeiner wol-
phardt christlicher menschen / von Ehrstberurthem
beicht buesse / vnd entpfangung des allerhochwirdig-
gisten Sacraments / we fruchtbar / durch wen / ge-
nungsam / waserley weisz mocht gescheen / vorbracht
vnd wirdig entpfangen werden / durch genade
des ynerreichlichen grundes Christi mit vnterrich-
tung des / den die hochste vnd allerheiligste dreyfal-
tigkeit / hat selbst gelerneth / der auch vor allen ym grun-
de / tieffer ist grunden / vnd in seinen schrifften sich
sunderlich ertzeigen Pauli des gloriwirdigen zwelff
bothem / mitsamt seinen scribenten / vnter welchen
dye obersten stelle / vnd der vorganc^t / dem hochge-
rumbten / vnd heiligen / vnserm vather Augustino
angetzeigt vnd von menigklich gegeben zc. Dyesse
Comportation / oder zusamen tragug / we dan auch
diesse fasten / zu grosserm theile gepredigt / bedacht
zuschreiben / mit einflechtung etzlicher alleredelsten
punct / durch den ehrwirdigen Augustiner / vather Jo-
hannem von Staupitz / der Reformirten Einsidler
bruder Augustiner ordens aus babstlichem gewalt /
in deutscher Nation gemeinen Vicarium vñ heyliger
schriefft doctore / meines in got / vater vñ Prelate in key-
serlicher stadt Nurnberg^t des vorgagē iares gepredigt
zu beicht / busse vnde seliger / des hochwirdigistē Sa-
craments entpfencnus meinem vornehmen nicht we

A iij

Fei Ihesu Cristus Maria Anna

Ihesus.

nig vortraglich.

I Wolwissende / das seinem hohen vorstandt mein schreiben / ym einhalt genidert vnd nicht gemess / auch seine gegrüthe schrieft meiner Approbation / ader be- wehrung nicht gewertig / noch von nothen / also nicht hierumb sunder angesehen / das solch / aller kostbar- lichste punctlein / wye dye edelsten stein ym golde vor- fasset / tzu erlangung der selikeit / wiewol von vilen be- geret ym druck / so balde vorschwundē / sich selte laffen sehē / ader ankūmē welcher saft / frucht / vnd sussikeith meinem bedacht fast frundtlich. Etzlichen wye etwā gehoret / vnd gelesen tzu erindrung / den andern bisz her vorborgen / tzu offenbarung / itzmal in dem na- men gottes in dye federn tzunehmen / an tagē tzugebē freudtsam vnd girig also tzu schreiben voursacht.

I Das aber fruchtbare belecht / gnungsame busszthu- ung des hochwürdigsten Sacraments selige entpfas- ung sampt andern gutem vordinstlich werck / nicht aus Adams kressen / sunder aus gottes genaden mug geschehen.

Das erste Capittel.

I Darvon menigklich vnuorborgē wie vngleichs hā- dels sich die werck aus Adams werck vnd der gnade gottes sich in vns ereugen / wolle vns erstlich hochge- rumbter Paulus etwan ein wiltfancē vngeheuer vnd erschrecklich thier hatzu morgens im anheben seines Adams lebens ein reissender wolff / aber nach bern- rüg gotlicher gnad was geraubt / auff den abend gut

Magret A

fu

Ihesus

willig mitteylēde/wie etwan vor Damasco mit brieffen soldaten vñ grūnigen hertze wider alle in Ihesum Nazarenū glaubende/so freidig balde gestillet/gezemet vñ gewaltiglich angeleythet/in gantz einē andern menschen vorwandelt/selbst sagen vnd vnterrichten daß von Adams geburth vnd nachfolgender arbeyt/sagt er. Der ich erstlich bin gewesen ein gottes lesterer/scheltende die seinen/vnd yrer vorfolger. In welchen worthen vñd werckē keinerley gottes gnade gespuret noch gedacht/daß die vorberurt Adāns ertheile mēschliche freyheit an gottes mit gnade enthaldt/was do bose vñ sundig tzu thuen wolmechtig/vnd tzuuorbringen. Nach dem aber ehr alleine aus dem aller gutigsten freyen willen gottes nemlich von der erstē gnade/der außserwelung/vnd vorsehungē/nachmals gefordert/gerechtfertigt. Bald sich ein vmbgekehrte arbeit in ym ertzeiget/bald anders sich lassen horen/großgirig fragēde. Herr was wiltu von mir das ich thuen sal/vnd forder nuhn gerechtfertigt/sich ruemen vñd glorirē/aus der gnade gottes bin ich/das ich bin. So auch gotliche gnade yre newgeborne kinder in mußig gehung nicht lesseth feyheren/saget er nicht an ursache Die gnade gottes ist in mir nicht ledig/das ist an gute werck befunden/mehr dann die alle. Spricht er/hab ich gearbeyt/das aber er solchs alles nicht Adāns Preßte/vñ ym selbst tzuschreibe/hadt er balde auf disse wort mit sorgfeldiger gutikeit(wie Augustinus schreibet)angehangen sprechēde/Aber nicht ich hab es gethan/sunder mit mir die gnade gottes. Was mocht aber nun dem also von got gefordert dem auch also die werck der gerechtigkeit/durch beywohnung der gnaden nachfolgen mangel vñd gebrechen/anders dann des althen menschen gantz tzu gelossen der noch

Actuum. 9.

1. Ad Thl. 1.

Augusti. de pdes. 2 gra. c. 11.

Ad Ro. 8.

Actuum. 9.

1. Chori. 15.

1. Chori. 15.
Ibidem.

Augusti. de pdes. 2 gra.

Ihesus

Ad Ro. 7.

in ym nicht gantz gestorben/vnd außgereuthet/dann
nicht allein an die gnade vñnd neuen geburth / aus
Christo etwas guthes tzu wircken vnmüglich / sun-
der auch vber solche angeböhne bößheit vnd vnthat
der althe mensch an vntherlaß tzuuorhindern / was
guthes aus der gnade gottes ym menschen solt ge-
schehen geflossen in seinem giffte / fast starck vñnd heff-
tig sich thut ertzeigen. Aus dem grundt Paulus (wie
wol seiner seligkeit gesichert) etwan clagede was ruff-
fen vnd sprechē. O ich vnseliger mēsch / wer wirt mich
von dem leybe des thodes frey ledigen. Itē ich habe
yhe nach dem inneren menschen wollust mit dem ge-
setze gottes. Aber in meinē gelyeden sich ich ein ander
gesetz / das ist widerspenig dem gesetzte meines gemu-
thes / vñnd fuhrt mich gefangen in dem gesetzte der sun-
den / So dan nue sambt vñ in beywonūg der gnade
in neuer geburt solch streit vñ arbeyt in dem mēschen
von anfangt bis tzum ende / darin er offte am grosten
vñnd allerstercksten / so doch der arme mensche am
schwechsten wirt befunden zc. So auch die mit der
gnade gottes begabet / solcher arbeyt vñnd vnruhe an
vntherlosse gewertigt. Wer thar sich den nuhu selbst
gantz vngegründt / als an die gnade gottes auff sein
vornogen got behegelych tzu sein / vñnd eygene werck
stewhren / wer ist selig / so in Adams erbtheil vns bis
tzu außgehung des sehlen anhengig Paulus sich be-
clagt vnselig / wer wandert frey in seinem vornehmen
genügsam beichtē / buessen vñnd wolwirdigt das aller
hochst Sacrament tzu entpfahen / so Paulus schreiet
wie er mit dem gesetzte der sunden gefencklich gefuret /
thut was er lassen wil vñnd lest was er thuen wil sich
hochlich beclaget. Ach edler got / ach armer mensch /
bedenck / nyemandt ist sein selbst gewaldig / derhalbē

Ihesus.

In angebomer seuch flehelichem erbteyl tagliche streit
vnd sunderlich vnserm vornemen/recht beichten / ge-
nügſam buessen/tzu heyle vnd selde das ware himel/
brot/die speiße des lebens wirdig entpfahē mit nicht-
tig aus vns genungſam/allein durch hochste gnade
gottes in Christo mag geschehen/wie dann der Titel
des erstē Capittels inhelt/ vnd im anfang dieser ein-
forung gesprochen.

Nach dem allen bis hier vornumen/was erberm-
lichs wesens vnnnd vnendtlich streites durch Adams
arbeyt/bis in die gruben/wir alle gewertigt vnd be-
funden/wil sich geburen tzu forderer vnterricht/ wie
vns herinnen tzuhalten/vnd wider den alten mēſchen
(der vns ſo ferre bis hier von got abgeleitet) was zu
thuen vns von nothen/als nemlich wider solch ange-
borne ferliche seuch/bis in den todt/tzu widerstandt
vnnnd gegenwere ein krefftige ertzney tzu suchen vnnnd
heylſam Recepth eines buessfertigen lebens antzwo-
ſchawen/derhalben nicht vnphillich meines dunckens
forder tzuwissen.

Dieweil aus Adams ankunfft die boſe neygung/
nicht ergruntlich stirbet/das fleisch werd dann tzu
puluer/vñ new geschaffen/derhalbē durch buesse mit
hulff vnd gnaden gottes tegelich dahyn arbeytē doch
das Sacrament der buesse mit nichtig außtzuſchlies-
ſen/vns hoch von nothen.

Das ander Capittel.

Auffs erste tzuwissen/das nicht allein itzt in heyl-
ligster tzeit der fastē/ wie dan gebothen ym an-
B

Ihesus.

Omnia vtri
usq; sex⁹ de
pe. et re.

hebe gehoret/die Sacramentalische buesse/sunder
vns leben lang ein stete buesse vns/wol von nothe
dan wie oben beruret/das die bosse tzuneygung aus
Adams erbteyl nicht ehr stirbt/nicht ehr gruntlich
vns tzuuorhindern abnymet/das fleisch werde dann
tzu puluer/vnd newe geschaffen. Darumb tzu mercke
das ein recht got angeneh lebē nicht steet in vil werck
ten/der halbē auch alle die strefflich die von got bitten
ein langē lebē/sich bas tzuschicken/fragen aber nicht
woine vmb die ware schickung tzu thode stehe/sun
der lebē nach indischer arth/bawen auff yre werck/
auff yre fastē/bethē/almszgebē/vnd der gleichē/vnd
halten doruor yre lanckleben sey forderlich tzu einem
rechten/got angenehmen vnd seligen leben/das doch
manchem vordumblich befunden. Jha besser wehre
es dem mēschen/ehe er wuste was guthe werck tzu
sterbē/dan das er eynig vortrawen in seine gute werck
setzte/vnd auff seine gerechtigkeit etwas bawete zc.
sunder es stehet nur in einē creutzigen vnd tegelichen
thoten des altē mēschen/also das des eussern mēschē
wādel/es sey nach der werlt/oder nach der scheinen/
den heylikeit sol tzu nichtig werden/dan ditz vnser le
ben bis in den todt sal nicht anders sein/dan ein haß
vber den alten mēschen/vnd ein suchen vñ vorlangen
des lebens in Christo dem newen menschen/dohin
wir kōmen sollē/vnd tagelich durch buesse dohin ar
beytē mit hulff vnd gottes gnaden.

¶ Vber sulch creutzigen vnd thotē des alten mēschē
mit tegelicher buesse durch die gnade gottes ist nicht
tzu vntherlassen/die Sacramentalischen buesse/vor
mittelt des statholders Christi/vñ mit nichtig tzuuor
schmeheñ/dan die innerliche buesse nicht genung

Ihesus.

sam/auch vmb sunst wo diese burde von got vnd der kirchen vns tzuguthe vorordent/nicht gantz demutiglich auff vns gefasset/nach vornugē durch gottes gnade senfft getragen vnd angenommen/wolwissende wie etwan Christus vber das er curirt vnn̄d reingemacht die aussetzigen/ñe doch remittirt vnn̄d gesant hat tzu den briestern/sich ynen tzuertzeygen.

Ad thei. 8

Luce. 17.

Darumb welche buesse volkommen vnd genungsam wie sich do in den Christen mēsch sal haltē.

Das vierde Capittel.

Nach antzeigung offentlicher schriefft befyn den sich dreyerley in dem Sacrament volkūner buesse tzuhalde/nemlich rewe vnd leyde des hertzen/die beichte des mundes/vnd genuckthun des wercks/Darvon schreibet Chrysostomus das ein volkomene buesse tzwinge dē sūder alle dinge willig vñ gerne tzu tragē/in welchs hertze rewe vñ leyde/in seinē mūde die beicht vñ gātze demutikeit in seinē werckē/das auch solchs einer fruchtbarē buesse zustēdig/ist abzunemē dā wie wir mit in dreyerley got beleidigt (Adās burde getragē) also auch mit den dreien/nemlich dem mūde vns selbst vor dem briester beclagē ym hertzen bitterigkeit mit rewe vnd leyde tzuhaben/vnd wasserley buesse vns auffgelegt demutiglich tzuhalde/in abtragē vor mittelst der gnade des allerhochstē/als vil in vns/also mit got vorsinen schuldig.

16 distictiōe
q̄rti snatiaz
c. pfecta pen
nitentia de
pe. dis. 3.

16. dis. q̄rti.

Balde geredt/schnel ist gehoredt beichten mit dem munde/rewe vnn̄d leyde tragē in dem hertze/in grosser

B ij

Yhesus.

16. dñ. 4.

Johan. 15.

Demut/auffgesetzte buesse tzuuorbringē vñ der gleiche
aber eygēlich nicht balde geschehen/darumb wie yn
anheben mir vorbehalte vñ bedinget/das in allē gu-
ten gotliche gnade vñ beystandt also in sunderheit in
dissen dreien/daraus ein volkūmene vñ gnungsame
bussze einstedt/vns groß von noten/vñ ehr dan wir
vns tzubussen vnderstehen/erstlich tzu dem barmher-
zigsten got vmb seine gnade/vñ beystandt tzulauf-
fen/vñ das wir an yn gar nichts mugen thuen/gātz
vnuorgessen. Dan beichtē ist den mēschen in den Adā
noch grune vñ frisch gar ein widertzeme vñ bittere
ertzeney/gleich ab sie andere ertzeney/die besser in vor-
behalte von yren sundē gereinigt mochtē gebrauchē.

4. regum. 5.

I Solcher hochtragender in eygenem vorfuhrlichen
wane sündiger menschen/figure vñd vorgancē lest
sich ansehen/do etwan Naaman ein furste der ritter-
schafft des kunigs Syrie aussetzig von seinem kunig
in Israhel mit schrift vñd großem guthe gegen dem
kunig vñd entlich an den propheten Helizeū von seine
aussatz tzureinigen gesandt vñd vorfordert/welchem
durch Helizeū vormittelst seines dieners gar ein senfft
ertzeney/auch der reinigung vnserer selen vñd enthaltūg
durch die siebē Sacramēt nicht vnformlich ein figure
vorgeschlagē vñd gesprochen/gee vñd wasche dich tzu
siben mal in dem Jordan/als dann wirdt gesuntheit
nēmen dein fleisch/vñd wirst gereinigt/wiewol gātz
senfft dise ertzeney vñd heylsam/hadt sie disem fursten
vorschnahedt/in widerwillen sich von dem artzt He-
lizeo abgewendet/vñd tzu den seinen gesprochen/ich
hadt gemeinedt ehr wurde tzu mir heraus geen/vñd
wurde anruffen den namen seines gottes/mit seiner
handt die stelle meines aussatzes beruren(szo weisedt

Ihesus.

er mich tzu waschen im Jordan) Seindt aber nicht
vnnser wasser Abana vnd Pharphar die flusse Das
masci besser dan alles ir wasser in Israhel zc. Haben
in angeredet seine diener hesprochen / vater / vnd ob
auch etwas grosses dir der Prophet gesagedt / soldest
du es warlich gethan haben / wie viel aber meer vnd
pillicher / so er alleine gesprochē / gehe wasche dich / vñ
wirst gereinigt. In summa er ist abgestigen / nach ge-
heissze des propheten in den Jordan / sich sieben mael
gewaschē / sein fleisch herwiderbracht wie enes iunge
Kindes vñ gereinigt. Also auch bedückt solch Adams
Finder ab sie hoche (was in tzuabwaschūg von notē
den got vorstendigt) wie mocht aber got grosser dan
mit solcher weisz geschmecht / vnd in seiner vnerforst-
lichē weiszheit (von dem doch alle dingē gemessen / in
antzal vñ gewichtig vorordent) nyrmants rath ye ge-
brauchet oder durftig / tzurucke gesetzt werdē / nichts
des weniger wil der vorlornen hauffen in vnuormug-
lichem sturm nicht / wie wol gefangen vnd geschlagen
noch doniderliegē / sunder strafflich die creature wi-
der yren schopffer / der schuler wider den meister / der
knecht wider den herrē. Iha der sterblich mēsch wil
der den ewigē got sein hoffertigē gemut erheben / vnd
die clucheit des fleisch / die doch vormals durch Pau-
lum der thodt erthellet / noch herfuhre rucken / frags
weisz sprechende vnd in das lichte tragen.

Sapientie. 11

Ad Ro. 11.

Ad Ro. 8.

¶ Dieweil got nicht alleine vnnser wort / werck / sun-
der auch gedancken gantz offenbar vnd vnuorborgen /
warumb dan eine muntliche gantz lauthere beicht
dem menschen / so hoch von nothen vñ auffgesetzt sey.

Das vierde Capittel.

B iii

Thesus.

Ad hebreos
4
Augusti. in
fmoe de ipe
sermone 66

Das gotlicher maiestet alle vnser wort/werck/vñ gedancken/gantze offenbare mag nymant allein der nicht gleuwig vñd vornunfft hat leucknen/betzeugt auch die offentliche schrift des tzwelffbothen sancti Pauli/aber eingelegte frag/sal der vor andern sunder lich gelarthz vnser heiliger Augustinus vorantworten/do er schreibet das vns zu mehermalen vñd offft Die heilige schrift vormanet zu der edelen artzney der beichte/vnser tzuflucht zuhaben/nicht darumb das solche aussagug was gethā/got dem wolbewust was vnser wort/werck vñ gedanckē/sunder eben vñb vnser willē/vns alleine tzu nutze vñd groß von nothen/dāñ nicht andere weysz tzu erlangung/der kunfftigen belohnung/dāñ das wir(so mugelich dartzukōmen) durch beichten/buessen/warin strafflich vñd lassig vns beschuldigen/widerumb mit got altzeit vornuntz telst seiner gnadē mogen vorsuhnen. Wer auch sich in seinen sunden warhafftig also selbst anclaget/den hat nicht der Teufel fort ym tage des gerichtts tzu beschuldigen oder an tzuclagen.

Beicht spricht ytzt genāt vnser heiliger Augustin⁹ ist ein werck der barmhertzigkeit/vñd mit der buesse ein eynigertzeney des franken/was mag sich dann von solcher edlisten ertzeney der arme sunder/so hart entsetzen der nye geachtet der feule vñd vbelrichtung seiner wunden/sich also wil vor der heylsamen salben vñd sensstem bande/scham halben/allein ym tzu eygenem schaden vorbergen/vñd in der samblunge der waren buesser nicht lassen befindē. Oder was mocht doch unpillichers/vñd strefflichers von dem sunder sich ertzeygen/dāñ tzu ablegung der sunden/auch mit eyner geschminckten oder geserbten beicht vñd nicht

Ihesus.

dem eynigen got / dem alle seyne sünde vorhin be-
kantz / gantz klare vnnnd bloß / sunder tzu decken
vnnnd vormenteln / oder gantz vnterwegen tzu las-
sen / sich selbst an gesuntheit / entlich leibs vnnnd der
sehlen also vorhindern.

¶ Iha wol wer in Christlicher samlung / tzu besor-
gen vber den grostenn theyl / in solcher thorheyt vor-
harrender menschen (So fruchtbar) sich tzu erbarmē.
Dan wye der bey den gelarthenn grossz Achtbarr
Johannes Berszon Lantzler tzu Parisz antzeyget/
das schwerlich bey vnnsern getzeyten dye beichtte/
lautter / bloß vnnnd vollkommen sich lasse befinden /
Vnnnd nemlich von wegen der gleyßnerey vnnnd vn-
sers allerschnodesten geruchtes / welche beyde eyn
werntliche forchte oder scham vor dem briesterthum
endt gebahren / das doch pillich yhe nicht sein / vnd
mit nichtig mochte stath haben / szo ein mensche
vber Adams gesicht / wolt clarer sich vmb sehen/
vnnnd das nicht ein engel / sunder ein mensch / Iha
sprich ich ein sunder der beicht vather / dem beicht-
kindt einem sunder ist gegeben / hertzlich bedencken/
vnnnd wie der erste beichtvather Petrus (ehedann
er dye andern horedt tzu solchem ampte abilitirt/
vnnnd geschickt gemacht) betrachtenn / dann dieser
Dieweil vormessen aus Adams geburt sich auff sein
vormugē wolt steurē vnd kunmutig vorlassen / trew-
lich reden als stundt es allein in seinen hendē mit dem
hertzen Christo in das gefencknus / vnd den thot tzu
gehen. Auch einen gemessenen befelh / wie offft seinem
nechsten so wider in gehandelt er solt vorgeben / von
got wolde entpfahen / der erste nach dem vorrether ab

Berson par-
te z. sermo. i.
cena dñi p
humilitate.

Augusti. de
vera z falsa
penitētia c.
19
In c. cōside-
randum.

Mathei. 26
Luce. 14
Luce. 22
Mathei. 18.
z i c. septies

Ihesus.

Omella de
resurrec. do
mini. et in. c.
consyderans
dñ. 50. dis.

Job. 11.

trinüg/vnd von Christo mit schweren vnd vormalen
deyen bahnerfluchtig befunden. Aber wahrlich nicht
an vrsach wie Gregorius schreibt auff das Petrus in
ym selbst vorstendigt/wie er kunfftig sich der andern
soldet erbahmen. Daraus nuhn erwachsen das die
sach noch nicht gantz vbel stehet bey dem mensche der
sich befindet vor got einen grossen gantz ehelende vor
laszen sunder/wan als den so kommet vber die erste
gnade sainer erkentnus(nach dem vnd ehr also vn
thergangen/vnd in allen seinen krefftten/wercken vnd
wesen tzunicht worden) die gotliche hulff vnd stercke/
also allein suchende vn begern. Als dan wie Job schrei
bet/wen du meinst das du seist vorschlungen/erst so
wirstu herfure brechen wie der morgenstern/sunder
mehr vbel vnd ferlicher sich ertzeiget in den menschen
die sich nicht furchten/vnnd yre sunde nicht fuhelen
gege dem forchtsamen gericht gottes sicher herein gehē
derhalben vns scherffer vmbtzu sehen.

Wye tzu gruntlicher endtdeckung/vnd warhafftigen
beicht der mensche durch die gnade gottes muge
tzufömen/sich fuhlen/vnnd vor got warhafftig einen
trostlosen sunder bekennen.

Das funffte Capittel.

In dem 3 i/den wir nennen den andern buß psalm
wirdt gelesen das selig sein die den yre vntugent oder
vngerechtigkeit erlassen sein/den yhre missethadt be
deckt sein. Selig ist der mensch dem got nicht sunde
tzurechent/vnd ist nicht in seinem geist yrgen ein trieg
nus zc. Wie am ersten protestirt das nicht meinem
schwachen vorstandt nach mein allein gutduncken/

Ihesus.

sunder der glaubwürdige hochster getzeugnis chriß
Christi Ihesu/Pauli/Augustini vnd yrer nachfolger
erst genant her ehrwürdigen vather als edleste steyne
hyerynnen vorfasset zuuntherrichtung solten leuchtē
vnd fast lieblich mag sprechen/hertzlich sich hierinnen
ertzeugen zc. Dan aus dem grundt sancti Pauli ge-
zeugnis vnser vathers sancti Augustini/des Au-
gustiners deutzsche Septen/mit auszlegū nach dem
schriefflichem synne zu Christi vnd gottes gnadē/ne-
ben seines selben wahre erkenthus gruntlich gericht
tet zc. sich mit nichtig hierinnen mag vorbergen. Inn
welcher clare beschriebē vber den andern buess psalm/
das die selig seindt/nicht die keine sunde haben/oder
sich selbst heraus arbeyten/sunder allein die/den sie
got erlest aus gnaden. Niemandt ist auch an misserhat
die got an vns allein sicht gantz offenbar. Selig aber
den er sie zudeckt/nicht sehen/nit gedencen nit wis-
sen wil/sunder leutterlich vorgeben wil aus gnadē/
dz sein die sye nicht selbst yn vorlassen/vorgebē/vorges-
sen/sunder ansehen/wissen/gedencen vnd straffen.
Darbey antzeigende/das der nicht selig/sunder vn-
selig der ym selbst nit sunde tzurechent/ym selbst wol-
gefellet/sich fruhm duncket/nicht gewissen treht/vn-
schuldig sich weiß/darauff sich trostedt vñ vorlesset/
So doch der apostel saget/ich bin mir nichts bewust
aber doraus bin ich nicht gerechtfertigt/als sprach er/
sunder selig ist der dem got nicht die sunde tzurechnet.

1. Corin. 4.

¶ Wirdt auch do selbst ym buess psalm besunder se-
lig geheissen/in welchs geist nit yrgen ein triegkhus be-
funden/das ist das einen nicht selbst sein hertze be-
triege/so er aussen fromscheinet/vnd sich selber nit an-
ders dan frum achtet/vnd gottes einegē liebhaber/so

L

Ihesus.

doch inwendig die meinüg falsch / vñ nicht got vmb gottes willen / sondern vmb seines selbst willē dienet vnd frum ist.

¶ Welcher böser / falscher / betrieglicher list allermeist vorführet die grossen scheinenden vñ geistliche mēschē die vmb yres frohmen lebens willen vñ vil guther werck (yres dunckens) forchtlosz stehen / vñ nicht warnemē ernstlich yres geistes vñ innerlicher meinüg

¶ Auch nicht wollen zusinnen nemen das dieser betrieglicher / schedlicher lyst / keinen menschē frey lest / sunder gantz geist grundig in allen ist / vnd allein aus gnadē gottes wirt außgetrieben / darumb er auch eyn list im geist wirt geheissen / nit ein list den der mensch thue / vnd mit wissen wider sich oder einen andern erdencke / sunder den er leydet vñ ym angebohm / der sich mit guttem lebē lest zudecken vñ schmucken / das der mensch auch wil meinen / er sey rein vnd frey / so leidet erst der böse vnfladt darunder / den nennen die doctores / Amorem sui / amorem dei concupiscentie / so der mensch vmb forcht derhalben oder hoffnung des hymels vnd nicht vmb willen gottes frohm ist / Das ist aber schwere zuerkennen noch schwerlicher losz zuwerden / vnd alles beides nicht dan durch die gnade des heiligē geistes mag gescheen / hec ille.

¶ Iha auch zu lautter erkethnus / vñ clarē beicht vorhindert dieser argelist alle die vor der menig yrer sunden nicht noch grosserschrockē gering achtē / die muge den sunder im erstē bußpsalm horen seiner krankheit erschrecknus vñ crafftloser vnuornugūg sich gantz gelassen gegē got beklagē / do er spricht / O herre erbarm dich mein (das ist / ertzeige mir gnade / das ich in der angst vnd forchte nicht vorgehe) mache mich gesunde (das ist stercke mich / thue mir hulffe in dyesem elēde)

Amorem sui
amorem dei
concupiscentie.

ps. 6

Ihesus.

Dan alle meine gebeyne erschrocken seint vnd meyn ses-
le ist erschrockē / Dyerbey tzu mercken das nicht an vn-
sern willen. Iharede ich nicht an flehlich bitte vnd an-
begir von grunde des hertze gottes stercke vnnnd trost
wirdt ymandt gegebē. Nyemant aber bit gruntlich
der noch nicht hertzlich erschrockē vnnnd vorlassen / dan
er weiß nicht was ym gebricht / vnd steht / diuweyl si-
cher in ander sterck vnd trost / seines selbst ader der cre-
aturē / das seint auch die mit harttem hertzen / in wel-
chen die scharffen pfeil des wort gottes (darynn er-
schilt vñ drawet seine ernste gerechtikeit widder solche
vorstockte) nicht hassstenn / dan nymannt fuhelet diese
pfeile / dan wenn sie in das hertze gesteckt werden / das
seint die weichhertzige mensche / den sie got ins hertze
scheussset / den vnforchtsamen / aber die vorhart sein / fal-
le sie ab / gleich wie vñ einē harthē fehls / das geschicht
so lange als durch menschen predigē / die wort gesagt
werdē / an mit wirckē vnd ynnertlich einschiffen gottes
dar von kömet das flehlich geschrey / angst vnnnd noth
allein tzuflucht tzu got (alles vns hyryn tzu vntherri-
tüg recht / Beichtē wol von nothē) in dem drittē bues-
psalm / do der sunder sich lest erbermlich horē. Ach got
spricht er / straf mich nicht in deinē tzm vñ castey mich
nicht in deynem grymme / dan deine pfeyle seynt in
mich gesteckt / vñ du hast vber mich befestiget dein hāt
es ist keine gesuntheit in meinē fleisch vor dē angesicht
deins zoms Es ist keine rwe aller meiner gebeyne vor
dē angesicht meiner sūde (dz ist vor dē entpsintliche gegē-
wertigkeit vnnnd erkenthus meiner sūde) Dann die
pfeile gottes vnd tzmige spruch / wo dy hassstē machē
gegenwertig die sūde ym hertzen / vnd dauon wirdt
innerwendig vnrrwe vnd erschreckē des gewissen / vnnnd
aller krefft des sehelē / vnnnd die hant gottes das werck

ps. 37

L ij

Yhesus.

Der straff außwēdig macht gantz Franck / vñ leydende
den leichnam / vñnd wo es also stet / da stehet es recht
mit dem mēschen / vñ auch also hat es Christo in sein
er hartē buesse vor vns / aus liebe gethan gegangen /
in dem ihāmer die pfeile gottes in vnser hertz also ge
schossen / wir alle mit obgenāthem sunder müssen for
der bekennē vñd sehen / dan̄ meine sūde sint mir vber
mein heubt gegangē / das ist sie habē mich gātz vñther
druckt / vñd seint mehr vñ stercker wordē / dan̄ ich bin /
Das kühmet alles aus den pfeilen / die machē die sū
de / souil / so gros / so starcke / das der mēsch ym selbst
daruon nach helffen / nach rathen kan / sūder ligt vñ
der darnyder (darūb redet er fōder vñ spricht) vñ als
ein schwerer last seint sie vber mein kraft schwere (das
ist schwerer dann ich kan erleiden. Als auch am lxiiij.
psalm befundē vñ beclaget. Herre got sagt er / die that
vnser sūde hat vns vbermechtigt / du wollest gnedig
sein vnser vngerechtigkeit) Also trit vns aus dem ers
barmlichē testamēt von Adam wie erstlich gesagt / dy
sūde mit fuesien / bis das die gnade gottes kūme / vñ
trethe widerūb die sūde mit fuessen / vñd erhebe vn
ser haubt vber sie / das wir yr / vñnd nit sie vnser mecht
tig sey vñd regire. Die aber in sūden thot liegē (in yre
hertz / durch got die pfeile nicht eingeschossen) oder all
tzuheilich seindt / fuhlen diser dingē iar keines nicht /
sicher vñ forchtlos / tzu dem ernstē gericht gottes tzu
gehen erbermlich an die gnade gottes aus Adams
ankunfft vorfuhret.

¶ Solche vñdricht tzu Christi vñ gottes gnaden nebē
seines selbst waren erkēhnus tzu rechter beicht / buess
vñd also nachmals des hochwirdigsten Sacramēts
seliger entpfahung / bringet einem vleissigen anschawer

Yhesus.

vnd behertzer die beschreibung in deutscher Septen/
des vorgangen ihares /durch den Danssfeldischen /
ytzt Wittenbergischen Augustiner sampt einer beicht
tztettel von Adams wercken / eygenen krefftenn flei-
chem Testament vnns angeboren eynes theiyles /vnd
gotlicher gnaden der wurckung Christi /des andern
in vortragung der tzeihen gebothe hyermit eingelegt /
fast gruntlich vnnnd wol vortzeyhendt /daraus auch
ein Christenn mensch also seyner sünde manigfeli-
g beschweret /dar vor erschrecken /wie wider gott
schwerlich gesündigt /seinen nechsten sich selbst belei-
digt zc. Zu erindrüg in erstē blick vornittelst der gna-
de gottes gantz leichtig mag erlangen.

Die tzeihen gebothe.

Das erste.

Du salt nicht andere gotter habē.

¶ Einen got haben / das ist einen haben von dem er
sich vorsicht in allen guthen gefordert / in allen bösen
geholfen werden / das wil der einige warer got selbst
sein /vnd auch ist.

Die ubertretung.

¶ Wer in seiner widerwertikeit tzewberey / schwarz
kunst / teuffels bundtgnosē sucht /wer brieff / tzeichē /
kreuther / wortther / segen /vnd des gleichen gebraucht /
wer wunschuten / schatz beschwerung / cristallen sehē /
manthel fahren / milchstelen vbet.

¶ Wer sein wergē vnnnd leben nach erwehleten tagen /
hymelstzeichen /vnd weissagern dücken richtet /wer

L iij

Ihesus.

sich selb / sein / sich / hausz / kinder vnd allerley gut vor
wolffen / eyszen / fewer / wasser / schaden / mit ertichten
gebethen segenet vnd beschwert / wer sein vnglück vnd
widerwertigkeit dem teuffel oder bosen menschen zu
schreibt / vnd nit mit liebe vnd lob / als bosz vnnnd gut /
von got alleine auffnympt / vnd ym widerheym tregt /
mit dancksagen vnd williger gelassenheit / wer got vor /
sucht / vnnnd ym vnnnotige ferlikeit leibs oder sehel sich
gibt / wer in seiner frohmikeit vorstandt oder andern
geistlichen gaben hoffertig ist / wer got vnd die heilige
mit vorgessen der sehlen noth nuhr vmb tzeitlich nutz
willen ehret.

¶ Also thut die natur yhr selb gelassen durch
Adams erste funde.

Die erfüllung.

¶ Gottes forcht vnnnd lieb ym rechtem glauben / vnd
fest vortrawen / gantz bloß / lauther in allen dingen ge
lassen stehen / sie sein bosz oder gut.

Also thut die gnade gotes durch Christū vnsern hern

Das ander geboth.

**Du salt den nahme gottes deines
herren nicht unnutz antzihen.**

¶ Dann gottes nahmen sein auch diese warheyt /
gutigkeit / crafft / vnd alles guthen nahmen / ist sein na
men dye sal ym selb nymandt zuschreiben.

Dye Vbertretunge.

Yhesus.

¶ Wer ane noth oder aus gewonheit leichtlich schwe-
ret / wer falschen eydt schweret / oder auch sein gelub-
de bricht / wer vbelthun gelobth oder schwert / wer
mit gottes namen flucht / wer nerrisch fabeln von got
schwatzt / vñnd die wort der geschrieft leichtfertiget /
vorheret / wer gottes namen nit anruft in seiner wi-
derwertikeit vñnd nit gebenedeit in lieb vñnd leyd / in
gluck vñnd vngluck / wer ruhm vñnd ere vñnd name sucht
von seiner fromikeit / weisheit zc. wer gottes namen
anruft falschlich als die Ketzer / vñnd alle hofferligen
heyligen.

Adams
werck.

Die erfullung.

¶ Lob / ehre / gebenedeyung vñnd anruffen gottes na-
men / vñnd seinen eygen namen vñnd ehr gantz vornich-
tem / das allein goth gepreyseth sey / der allein alle
dinge ist vñnd wirckt.

Gottes gna-
den.

Das dritte geboth.

Du salt den feyrtag heyligen.

¶ Dye beste feyr ist / das die sehel mit allem thun des
selben tags des gewarthe / der do erfullet die hunger-
igen vñnd ledigen mit guthern / Luc. i. dann feyer das
heist ledig sein.

Dye ubertretunge.

¶ Wer fressen / sauffen / spielen / tantzen / mußgang / vn-
keuscheit treybt / wer faulheit ampt gottes vorschlaf-
fen / vorseumen / spaciren / vñnutz schwatzen vbet / wer
an sundere noth arbeyt vñnd handelet / wer nit bethet
nicht Christi leyden bedencet / nicht sein sünde be-
rewhet / vñ gnade begert / also nuhr mit cleyder / essen
vñnd geberden eusserlich feyhret.



Ihesus. Die Erfüllung.

Gottes gna
den.

Ich zu got bereithen / vnd gnade suchen / das ges
schicht mit bethen / mess vnd euangelij zuhoren vnd
Christi leiden bedencen / vnd also geistlich zum Sa
crament gehen / dann dis gebot / furderdt ein geist ar
me schle / die do yres nicht sein / vor got opffert das er
got sey / vnd yn yr seines wercks vnd namen bekome /
nach der zwelen ersten gebot.

Das vierde gebot. Du salt ehren dein vather vnd dein mütter.

IDie ehre stehet nit in grussen oder neygē allein / son
der yn thun vñ lassen als was yr wille od notturfft ist.

Dye Vbertretunge.

Adams
werck

IWer sich armuths / gebrechens / vorachtunge sey /
ner Eldern schemet / Wer ynenn nit yre notturfft / mit
speiß vnd kleyder vorsorgt. Vñ mehr wer ynn flucht /
schlecht nachredet / hasszet vñ vngheorsam ist / wer
nit von hertzen gros von yn haltet / vmb gottis gebotē
willē / wer die gebot der Christlichen kirchen nit haltet
mit fasten / feyren zc. wer briester standt vñ ehret / nach
redet vñ beleidigt / wer seine hern vñ vberkeyt nicht
ehret / trewe vñ gehorsam ist / sie sein gut oder bosse.
Hierynne sein alle ketzer / abtrunnigen apostaten / vor
banthen / vorstockten zc.

Die Erfüllung.



Jhesus.

¶ Wylliger gehorsam/vñ vñdtenikeit/ allerley gewalt
vmb gottes wolgefallen willen. Als der Apostel. 5.
Petrus sagt an als widderbellē/clagē/vñ murmuren.

Gottes
genade

Das funfft geboth. Du salt nicht todthen.

¶ Nit allein tothedt/der den todt/adder schadē thut/
Sondern auch der yn nit wereth/vñd vorkummeth
Als Augustinus sagt.

Die Vbertretunge.

¶ Wer mit seinem nehesten tzornet/ wer tzu ym sagt/
Racha (das sein allerley tzorns vñd hassz tzeichen)
wer tzu ym sagt ifatue/du Narr/das sein allerley
schandt wort/fluch/lesterunge/nachredē/richten/vr/
theylen/honsprouch zc. Wer seins nechsten sunde ader
gebrechen ruget/vñd nit bedeckt vñd entschuldigeth/
wer seinen feindenn nit vorgibt/nit vor sie bittet/nith
fruntlich ist/nit wolthut. Vñd hierinne seint alle sun-
de des tzorns vñd hassz/als todtschleg/kriege/raubē/
bomen/tzencken/haddern/trauē des nechste glucks/
frewen seines vnglucks/ wer nit ybet die werck der
barinhertzigkeit.

Adams
werck

Die erfüllung.

¶ Bedult/sanfftmutikeit/gutikeit/fridlikeit/barm-
hertzikeit/vñd aller dinge ein suesses fruntlichs hertz/
ann allen hassz/tzorn/bitterkeit gegen einen ytzlichen
menschen auch den feinden.

Das sechste geboth. Du salt nicht ehebrechen.

D

Handwritten marginal note in German:
misset die hertze
vor bar me dy ouer dy erst
in bewyse den dem
nehesten mit dynen
namen dat
dy got beset
erect hefft
barinhertzikeit
in yfessioe tom
christen dar vñ
in psalm 6

Jesus.

Die ergste frucht/der lust des fleisches nennet er al
lein zu beweisen wie bosze die gantze lust sey/ auß der
solch vntugent kömet.

Die vbertretung.

Wer iungfrawen schwecht/ehebricht/blutschanden/
vnd der gleichen vnkeuscheit wirckt.

Wer vnnatürlicher weysze oder personen das sein
stümen sünde)gebraucht/ wer mit schandbarn wortē
lydlein/historien/bilden die bosze lust eugent oder zei
get/ wer mit sehen/greiffen/willigen gedancken/sich
reitzt vnd befleckt/ wer die vsach nit meydet/ als fress
sen/sauffen/müssigkeit/faulheit/schlaffen/vñ weibs
oder mans personen gemeinschaft/ wer mit vbrigem
schmuck/beherdē zc. andere tzuor vnkeuscheit reizet/
wer eins andern keuscheit nit hilfft beware mit rath
vnd thadt.

Adams
werck

Die erfüllung.

Keuscheit/zucht/schamhaftikeit yn Werckē / wor
then/beherden vnd gedancken/auch messikeit in essen
trincken/schlaffen/vnd alles was der keuscheit for
derlich ist.

Gottes
genad.

Das siebende geboth Du salt nicht stelen.

Fremde guther zu sich tzihe/ist ein frucht des geys
tes vnd begirde/darumb so wirt hie der bawm mit
den fruchtē vorbotē/geitz vñ was aus geitz volgē mag

Die vbertretunge.

Ihesus.

Ober dy dyeberey vñ rawberey ist auch der wucher
grosse sünde/ wer falsch gewicht vñnd maß braucht/
od böse war vor gut außgibt/ wer vnrecht erbgutter
vñd zins einnympt/ wer vordienet lon vorheldt/ vñnd
schuld vorleucknet/ wer seinem nechsten durfftigen
nit borget oder leyhet an allen auffsatz/ alle die geitzig
sein vñd eylen reich zuwerden/ vñd wie sunst frembd
gut behalten oder zu sich bracht wirt.

Adams
werck.

Die erfüllung.

Armut des geistes/ mildikeit/ willikeit seiner gu-
ther tzuweyen vñd geben an allen geitz vñnd begirde
leben.

Gottes
genade

Das achte geboth.

Du salt nit falsch tzeugnis reden
wider deinen nechsten.

Die ubertretung.

Wer vor gerichte die warheit schweigt vñ vndertrückt
wer schedlich lenget vñd betreuget. Item alle schede-
liche schmeichler vñd orenbleszer/ zweytzungiger/ die
vneinikeit machen vñd vnfried/ wer des nechsten gut
leben/ werck vñnd wordet vbel außlegt vñd schmecht/
wer den selben bösen zungen stadt gibt/ hilfft vñnd
nicht widerstehet.

Adams.
werck.

Die erfüllung.

Ein fridsam heylsam tzungē die nyemandt scha-
det/ vñd yderman frumet dye dye vneinigen sunet/ dy
vorlesterten entschuldigt/ vñd fersicht das ist warheit
vñd einfeltikeit in worthen.

Gottes
genade

Ihesus.

Das neunde geboth.

Du salt nicht begeren deines nech-
sten weyb oder mageth.

Das tzehende geboth.

Du salt nicht begeren deyns nechste hausz ader guth.

¶ Dyse tzey letzte geboth sein tzill vnd mabel gesetzt
da wir hyn kōmen sollen / vnd tegelich durch buess da
hyn arbeithen / mit hulff vnnnd gnade gottis / Dan die
bosze neygung stirbt nit ehr grütlich / das fleisch wer-
de dan tzu puluer vnd new geschaffen.

Die Erfüllung.

Gottes
genade

¶ Das ist volkōmende Keuscheit vnd vorachtung tzeit-
licher lust / vnd guether / grütlich das allein in ihenem
leben volbracht wirth.

**Eyn kurtzer beschlus der
tzeihen geboth.**

Mathei. 7.
in c. humadi
generis 1 dis.

¶ Spricht Christus selber / Was ir wollet / das euch
die menschen thun sollen / dasselb thut yr yn auch das
ist das gantz gesetz vnnnd alle propheten / Mathei. viij.
Dan nyemāt wil vndäck leiden vor seine wolthat / add
seinen namen / eyn andern lassen. Nyemant wil hof-
fart gegen ym ertzeiget haben. Nyemant wil vnghehor-
sam / tzorn / vnkeuscheit seines weibes / beraubung sey-
ner guther / lyegen / friegē / affterreden leyden / sundern
lieb vnd fruntschafft / danck vnd hulff / warheit vnnnd
trewerfinden von seynem nechsten / das gebiten aber
als / die tzeihen geboth.

Also lehren die geboth.

Ihesus

Was nuhñ also die natur yr selbst gelasszen durch Adams erste sünde wider die gotlichen gebothe geflossen/sey wir meines dunckens aus vnterricht biß her/iha ein ytzlicher in ym selbst vorstedigt/wirt auch aus vleissiger betrachtung dieser tzeihen gebothlichen ybertretung/was in andern sunden(wiewol mit andern worthen vorzeichendt) vbels vnd giffts vorhanden/hiermidt angetzeyget vñ vnauszgeschlossen/nicht des weniger/wol noth tzuwissen/das nicht allein die sünde/Adams wergk sunder auch/wie sanctus Augustin⁹ schreibt alle vmbstendikeit/vnd was die sünde beschwert/dem sunder noth tzu beichtē vñ beweinen.

de ha z falo
sa pe.ca.14 z
in ca. cōside
ret de pe.dif
s.

Als dan	wer die person	gewest oder geschehen sey.
	waserley standes	
	mit welcher weiß	
	warumb	
	was die vsach	
	wie oft die tzal	}
wen die tzeit		
an waserley stelle		

Wie aber nun ein mensch tzu solcher Kunde vnd betracht(mit gotlichem beystandt) muge kumen/hab wir aus Esaieschen worthen/vnd wie nachmals vorzeichent nicht vnformlich tzuuornemen/dan ytz genäther Propheeta spricht. Herre dir werde ich widum gedenccken(das ist tzu gedechtnus furen alle meine lare in bittrikeit meiner selen/daruon vns entsprieszlich nutze sein wil/ob rechter genungsammer erforschung vnserer sünde gantz vnnnd gare tzu beclagen begirig/oder als vil in vnns/auch yhe hetten muglichs fleiß hierinnen ertzeygedt.

Esaie 38

D iij

Ihesus.

Unser lebē lāgt an zu sehen was	Alters/ ob i der	Kindtheit	} gesundigt sey
		Jugent	
		Letzten tzeit	
	Stant	Jungfraw	} geweest sey.
		Ehelich	
		Witwe	
	Ampts	Beistlich	} d mēsch sey.
		Wernlich	
		was handels	
	Befelschafft ob mit guthen oder boszen sein leben tzugebracht sey.	was hantwergks	}
		was nahrung	
		was nahrung	
Sunde er begāgē ob aus dem	}	Hertzen mit	} vorbracht sey
		gedanken	
		Mundt mit	
		worthen	
	}	Oder ob mit	}
		der thadt	

Aus solchem bis her gehort erfolgt/wie gros von
notē einen vorstendigē richter/Vicariū oder stathelter
Christi(wo man den mag findē) zu sulchen vñ erwelē
wie dan nicht an visach geschribē vñ registrirt das der
gewalt vñ vorstat habēde wo zu binden/vñ auffzulō/
sen sey tzu suchē/Auff das nicht(als ein blind den an
dern leitēde) beyde in eine grubē vorfalle/dan vñ vor/
borgē den gelartē vñ wolbewust/Ob auch vñ wissen/
heit ein mutter aller errethūb/so wirt sie doch als be/
sunder strefflich in der bruesterschafft befundē/do von
her vñ manet mein heiligister Paulus/Sib vñ vleissig
acht der lection/der lere vñ vñ manūg/vñd bis in den

Augusti. de
vera z falsa
penitentia.
In c. q̄ vult
de pe. dis. 6.
Mathei. 15.
ca. Ignoran
tia. 40 ist ic.

ad thio. 4.

Ihesus

vorharrē) das wll der glorwirdig Hieronym⁹ /nym/
mer spricht er /als tzu einen getzeitten / wol das buch
des psalters aus deinen henden werden gesehen / vnd
forder wie mit gebet / auch mit den henden zuerbeiten
besunder closterleuten wol nutze thut antzeigen.

Therony. ad
rusticū mōa
chum. z in c.
nūq̃ de cō.
di. 5.

In solchem außgangē balde vnther der thure bege
gent vns die straffliche thorheit der ihenigen die mit
vmbgetarther weiß wollen suchē (als ob got ymandt
mocht teuschē vñ betriegē) einen biester der nicht wol
horet / sie nicht kennet / auch nicht langē aufhilt / nicht
genügsam vorstands dem ein theil / dem andern das
andere beichtēde / O Adams werck / o puben leben /
nicht fragende ob auch der kirchen solch richter (dem
beicht vather mein ich) incorporirt oder eingeliebt sey /
die mugē mir eben hierinnen die vnfruchtbarē beicht
Jude anschawen / der gelassen die Aposteln besuchet
vñ gekieset zu beichtuattern / die Phariseyer derhal
ben nicht hilfflichs seiner nothe / sunder eine merunge
vnd anrege seiner vortzweisslung in buchendē vñ yren
harthen worthen befunden.

auguf. de ve
ra z falsa pe
nitentia

Matthel. z 7
quid ad nos
tu videris.

Nicht mugē hierinnē auch die beichtueter fur vber
frey vñ ledig wādern entschuldigt / ob sie vō wegē des
gedrēgs vñ heuffigtē solcks in vormeinend vrsach auf
das die alle zu Osterlicher tzeit expedirt / vnnnd also
vnuorhindert das hochwirdigst Sacramente mocht
ten entpfahē / so doch die beichtfinder willig zu solchē
vortzugē vnd gedrengē / bis auff letzte tzeit ynen selbst
vrsach geben / sunder den fast hoch vnther den gelartē
geacht in seinem gutduncken vornemen / do er spricht /
vnnnd schreibet das besser / wenig volkumlich tzuho
ren dan den hauffen / nicht allein mit beschwerunge
der gewissen / sunder auch also vorhindert / offtmals

Jo. Gerson.
pte. scōa. de
arte z sciētia
audiendi cō
fessiones.

Ihesus.

Mathei. 15.

vorlassen/dan in dem got(welchs werck alle volkom/
me)wirt nachgefolget/mehr wolt ich (spricht eheges/
nanther Parisienschische Lantzler) so sehel sorg mir
befolgen des hauffens beicht/nach Ostern) ob auch
etzliche nicht wider tzu mir wolthen kōmen)vortziehē.
Den das ich blinder die blinden/so die nicht absol/
uirt vnd entpunden/sich doch darfur schatzende/also
solt vorfuren. ¶ Darnit ich mich hierein von wegen
der kurtz/auff diß mals von der beicht wil valedicirt
geletzt/vnd meinen abschiedt genomen haben. Nach
forder rew/leid/gnungthun(Adams werck tzurucke
geschlagen) nach gottes gnade mich vmbtzu sehen/
schreibē vnd vnterrichten mugelichs wercks ertzei/
gen geflissē.

Die weile dem buesser aufgelegt

nicht allein mündtlich/sunder rew vñ leide im hertze
angesehen das kein opffer also got behegelych/als ein
rewig hertz mit einem gebrochnem geist/darüb was
hierinnen die gnade gottes von nothen/nachfolgen/
de antzeiget.

Das sechste Capittel.

Mathei. 16.
in ca. cauen
dū de pe di
Minc. 3.

¶ Wie gantz die eussere reinigūg der menschen / iha
auch mit bethen/almußgeben/fasten/hende erhebe
vnd der gleichen got entgegē/so das hertze ym mēschē
solch werck nicht dirigiret/vnd allein tzu got anleitet
sunder von den menschen wil sein gesehen/mag nye/
mant der sich einwenig in euangelischer vñd anderer
schrifft thuet vmbsehen bleiben vorborgen/daruon
auch die schrifftweisen vñd phariseyer wurden her?

Ihesus

tigklich von Christo gestrafft / vnd die Esaieschen
schafft von yn vnd yren nachfolgern geschrieben / yn
vorgehalten / vñ tzu yn gesprochē / yr gleißner / wol hat
von euch prophetisiret Esaias / das volck thut mich
eren mit dem munde / mit yren lippen / aber yr hertze
ist ferre von mir. Zu den auch forder wie Matheus
schreibet mehrmals / we euch phariseier vnd gleißner
mit schwerem ernste gesprochen / we euch die yr seidt
gleich den grebern / von aussen getziret mit blumen /
wolgefellig den menschen / aber innerwendig vol alles
vnflaths vnd gebeyne der thoden. Also auch yr seit vō
aussen gerecht geschätzt von den menschen. Aber von
innen seit yr voller gleißnerey / vnd vnthat mit sunden /
Darumb vns erwachsen auff das hertz vñnd willen
des menschen (daraus die eussern werck gewichtig)
einen vngesparthen vbleiß vñ eine besondere anschau-
ung tzuhaben.

Esaie. 29

Mathei. 23

Dan reine hant schone wort ym eussern scheine / ist
leichtlich tzu thun / vñnd menschen krafft / aber ein ge-
schickt hertz / iha sprich ich ein ravig hertz / ein gebroch-
ner geist / das ist des schopffers vnd gotlicher gewalt
werck / Beydes bit der rechte buffer / Ein reines hertz
schaff / ach got in mir / vnd einen richtigen geist / ernew
in meinen inwendigsten / dan ein krümer geist ist des
fleisches / vnd Adams geist / der in allen dingen sich in
sich selbst beuget / nicht das Christi szunder / das sein
suchet / vns von Adams testamēt angeborn. Aber der
richtig geist / ist der guthe wille / stracks tzu goth gerich-
tet / allein got suchende / der muß von new in vnns ge-
macht / vnd von got eingegossen werden in das inner-
ste vnserer hertze / das nicht ein triegkniß sey in vnserm
geist / nicht rewe vñnd leyde von wegen knechtlicher

ps. 50
Cor mundū
crea i me de
us.
Adams
geist
Christi
Paulus ad
Philipeñ. 2

E

Ihesus

forcht/sunder als kintlicher liebe/vñ also aus gantzẽ grunde got allein vmb gottes willen zu liebe/wider/umb den vorlomen mit rewigẽ hertze (das vns vō got vorliehen) auff's flehelichst suchen vnd begeren/wo es also mit dem sunder befunden stehet die sach richtig/dan dz opffer das got gefelt wie erstlich gesagt ist ein gebrochener geist/ein rewig vnd demutig hertz.

Beat⁹ Aug⁹
gusti. de cō
tritione cor
dis.

Augusti. de
p̄tritiōe cor
dis. ca. 5.

¶ Von dieser hohen gabe/vō der grossen gnade eines rewigen gedemutigten vnd zuerbrochener hertzen beschreibet durch. ii. Capittel vnser gots gelarter vather Augustinus in eynem eygнем buchlein/wes sich da der buesser vor got seinem hern also gedemutigt/mit eynem neuen hertzen waserley wordet/gedancken flelichem begir solt ertzeigen/Als nemlich ym funfften Capittel do selbst zutroste dem buesser also vor got (gantzgelassen)liegende in bittrikeit seines hertzen/redeth yn an vñnd spricht zu ym also/ O sunder halt auff/fabe adem/vntthernym dein werck/nit soltu vor zweiffeln/hoff in denen den du furchtest/fleuhe zu dē von dem du entlauffen/ruffe in ann/an vnttherlaß den du in hoffart deines lebens hast ybergebē sprich im zu

Verba diui
August. ibi
dem.

¶ O Ihesu vmb deines suessen namen willen/schaff mit mir nach außweisung deines heiligen namē/vor gisse des hoffertigen der dich beleidigt/sich an gutig/den dich anruffende/gantz arm vñnd durfftig/Ihesu ein namen suesse/ein liplicher name/ein namen der do sterckt mit troste den sunder/ein namen der seligẽ hoffnung/dan was ist dein namen Ihesus anders/dann ein seligmacher/darumb vmb dein selbst willen/bis mir Ihesus wollest dich mir einen sensstmutigen seligmacher erzeigen/war ist es/mein werck erfordern

Ihesus

vordumbnus/vnd nicht wirt meine buesse zugenung/
thnung vor die sünde befunden/Aber das mein trost/
das deine barmhertzigkeit alle beleidigung/ alle mein
sünde ferr thut vbertrethen.

¶ Mit andern schonen vormanung den gelarthē vn/
uorborzen/Vns aber (wo ein solch new hertz aus got
tes gnaden in vnser buesse erlanget) solle auff dißmal
genungk sein/Vnd hiermit auch billich dieses Capit/
tel beschlossē. So dan die genungkthnung wirklich
vber mündliche beicht vnd reuighertz/als das dritte
einer waren buesse zustendig angetzeiget/erfordert die
vorheischung furder zanozcleren.

¶ In waserley weiß/wie lang/durch wen allein ge/
nungsam vber vnser schwacheit vnd vberflüssig ge/
buesset/vnd vnser sünde mügen außgelescht werden.

Das siebent Capittel.

¶ Vnuorgessen trag ich wie ym beschlus des erstē/vñ
ym einganghe des andern Capittels des buchleins
mich habe lassen horen dieweil aus Adams ankunfft
die bosze neygūg nicht ehr gruntlich stirbt/das fleisch
werde dan zu puluer/vñ newe geschaffen/das ein te/
gelich wider willen/ein emsig vñ stete auffschawē mit
einē ernsten blick/als mit teglicher pene vñ buesse wi/
der den altē menschē vns wol noth vñ nutze zuhabē/vñ
in gedult zutrage wolwissende aus Job das al vnser
lebē nit anderst/dan ein ritterschafft vñ tegelich kampff
auff erden/darinn auch kunnutigk zusein/vnns an/
schreidt Paulus sprechende/Arbeit wie ein guter rit/
ter Christi Ihesu/dann nymandt allein wer ritter/
lich vnd wol gefochten wirdt gekrohnē/ So ist
auch vber tegeliche erfahrung in wahrheyt geschrie/
ben/das durch mancherley angst vñ noth aus diesem

ps. 29
misericordia et
veritas tua
semp suscepit
me.

Job septio.

Paulus. 2.
ad Thimo. 2.

Actuū. 14

E ij

Jesus

Mathei. 7.
Luce. 13
Mathei. 11

Ad Ro. 8.

Ad Gala. 2.

sterblichen lebē einzugehen in das reiche gottes/ die warheit spricht/ gehet ein durch die engen pforthenn/ die da fuhret zw dem leben. Item nehmet auff euch mein ioch (meine burde) vnd lernet von mir/ dan ich bin senfftmütige/ vnd eines demütigen hertzen/ Paulus schreiedt/ brueder so yr wert lebē nach dem fleische werdet yr sterben/ wo ir aber mit dem geist die werck des fleisches wert tothenn/ als den wert ir leben/ In dieser buesz vnnnd steten arbeyt gloriert Paulus wie er zugethan vnd angehefft dem creutze Christi/ wie sein arbeit vnnnd creutz bis zw seinem ende thuet/ in allen seynem leben noch gotlicher ruffung vnnnd bekerung fast clar antzeygen.

¶ Es magt sich auch solch creutz in dē nach Christo aus gnaden/ allerunschuldigstem menschen Maria der gloriwürdigsten iungfrawen vnd mutter gottes/ so al yr leben von der zeit gotlicher menschwerdunge/ vnd geburth angesehen/ bis zw der gloriwürdigen hymelfarth nicht vorbergen.

Johā. 15.
Mathei. 10.

Luce. 2

¶ Derhalben wer zw got kunfftig/ so der seine vorzunfft/ vnd alther erlanget/ nye anders dan durch ein creutz vnd tegelich leiden in widerwillen/ vnnnd tzu dempffen den althen menschen gotlicher gnade großgigirig vnd beystendig in gedult zukommen vorordent/ dan wir yn selbst gehordt (darumb nicht andere gezeugnus von nothen) seidt indechtig meiner rede die ich euch gesagt habe/ der knecht ist nicht grosser oder mehr dan sein herr/ der schuler nicht vber seine meister Welchs leben in erstem harten bette der crippen/ vnnther armuthe vnd durfftikeit/ wie Lucas berubredt/ nachmals in Egiptischer flucht die Matheus be-

Jesus

schreibt endlich in voracht vñnd schentlicher schmach
der seinen creaturen/darvon Johannes sagt/ih̄a auch
was von dem teuffel erduldet/vñnd in seinen geliden/
wie aber Matheus vñ Lucas schreiben/anders dan
ein creutz bis an das allerpeinlichste creutz den alten
menschen gantz zusterben/puluerisirn außzreuthē/dar
ein der newe mensch Christus in menschlichem ge-
schlecht mocht entsteen/vñnd also in newe wider ge-
burt kinder gottes befunden vñs vorgetragen.

Mathei. 2

Johan. 8.

Mathei. 4.

Luce. 4.

Paulus ad
Philipē. 2.

¶ Davon (auff das ich gebrauche der worth des Pa-
rißensischen Lantzlers) sey kunth vñnd offenware/
das dis vnser leben nicht anders dann ein creutz/eyn
wege der erwelten/ein weg der wenigen/ein bitterer
weg/ein wege des lebens vñnd des heyles/ein kurtzer
weg/ein gerichtter weg/ein weg der arbeyt/ein
weg der volkōmenheit wirt gesprochen. So dan der
weg Christi ein creutz wirdt befunden/der also hath
müssen leiden/in seine glorien vñnd reich eingehen vñnd
zukōmen. Warumb soldet aber nicht pillich ein creutz
des Christen leben bis in die gruben werden pillich
gesprochen vñnd angezeigt/es wurden aber vngleichs
solts neben Christo die zwehn gecreutzigten schecher
etwan belohnet/vñnd nicht vnphillich vñs hiermit für-
getragen.

Jo. Gerson
p. 3. epla pro
cōfortatiōe
cuiusdā tēp-
tanti.

Luce. 24.

¶ Dan wie in beiden des zw der lincken/vñnd des an-
dern zw der rechten arbeyt des ersten Adams vormu-
gen in dem andern so barmhertzigē gotes gnadē vñs
furgehalten vñnd befunden.

¶ Aus welchem allen vñnd ytzlichen fleust noth sein
vorstandt zuhaben.

by zwey
clecher
zu d. linckē
zu d. rechē

¶ Das in allen leyden vñnd anfechtung seines creutz/
E iij

Ihesus

es werde ym von dem Teuffel ader menschen auffge-
legt/der tragende mensche sal erstlich tzu got lauffenn
als von ym entpfangen/vnd gedultig tragen.

Das Achte Capittel.

Die nei fu
rore tuo, 2c.
ps. 6.

Luce. 23.

Adams.
werck

In Ehe / itzt in dy fedder genommen / ist vormals vber
den erstenn / in dewtischer Septen buß psalm / durch
mehr genanthenn Augustiner / eben dyser sententz vnd
beschliß fast gruntlich beschriben / das in allem leidē
vnd anfechtūg / der mensch / sal erstlich (als von goth
ym allein tzu geschickt) tzu dem tzu lauffenn / von ym
allein (es kume von dem bosen feinde oder vorfolgūg
der menschen) an / vnd auffnemen / wie dan do selbst
thuet der / Prophet / der in dem selbigenn Psalmen
nennet sein feinde. Aber tzum ersten laufft er tzu goth /
vnd nymmet seine feintschafft / nicht von ynen / sunder
von got an / dan mit der weiß / lernet sich die gedult vñ
forcht gotes / wer aber den menschen angesehen / vñ
nicht von got annympt / seinen sundē nicht tzuschreibet
wirt vngeduldig vñ de gottes vorachter (wye dan fast
scheinbar in beyden schechern) ym ersten Adams werck
ym andern gottes genade / vnns clare getzeichet / dan
Adams kressst / in dem tzu der linckē nicht genugsam
die schwerē burde des creutz tzuuordinst / mocht tra-
gen / sunder vngedultig / der todtschleger wider den / d
allen gibt das lebenn / tzu murmeln . Iha die creatur
den schopffer / den tzulestern sich dy tzeit vnderstāden
der weiß auch / leyder viel bey vnsern getzeithen / schwe-
re creutz (so aber die nicht tzu got lauffen / von ym wie
geschriben allein annehmē) vnfruchtbar an gedulth
als von dem segeferwer erbermlich / tzu der helle tzutra-
gen . Die aber sich in irem leiden (vormittelst der ges-
naden gottes) tzu dem vnschuldigsten Christo wen-
den / dye vnschuldt seines aller heiligistenn lebens an

Ihesus

creutz in der gedult anschawen / iren sunden / rechtlich
solch creutz zuschreiben / allein nach gottes genaden
menlich streben / yr nicht zuuorgessen flehlich bithen /
was trosts / hulff / vnd beistant sey bey dem barmher-
zigisten got gewertig / sal vns der zu der rechten mit
seinem creutz schnelle vnterrichten.

Dan wye Lucas schreibt (nach dem mit gotlicher
gnade gefordert) hat er gestrafft seine mitgesellē sprechē
de Auch du furchst nicht got / bist doch also / wol zum
tode vorurteilt / als erh / du vnd ich leidens pillich / dan
wir nehme was wir vordienet haben / dyser aber hath
nichts bosz gethan / vnd sprach zu Ihesu . Herre ge-
denck mein / wen du in dein reich kühmest . Als baldt
antwort got / Vorwar sage ich dir / heuthe wirstu mit
mir ym paradeis sein . Aus dē betracht augēscheinlich
wye nutze vnd guth . So wir vnsern sunden waserley
creutz vns auffgelegt / von got annehmen / gedultig tra-
gen / vnd also zuschreyben / nicht solten wolle noch be-
gern / an creutz vnd also tegelich straffe zulebē dan zu
wissen / das got strafft / in tzeierley weysz . Ein mahl
in genaden als ein gutiger vater / vnd tzeitlich . Das an
der in tzoorn / als ein gestrenger richter vnd ewig . Wen
nun goth den menschen angreiffet szo ist die nature szo
schwach vnde vortzagt / darumb das sye nit weysz ab
got aus tzoorn oder genaden sye angreiffet / vnd in der
forcht des tzoorns hebet sye an vnd schreiet . Ach goth
straff mich nicht ym tzoorn / laß in genaden sein / vnd
tzeitlich / sey vather vnd nicht richter . Als auch Sant
Augustin spricht . Ach got brenne hye / schlage hye / vnd
schon vnser dorth . Also zu bithen nicht das er gantz
vngestraftt sein wolt / dan das were nicht ein guth tzey-
chen / Sunder gnedig / als ein kindt gestrafft von sey-
nem vather,

23
Gottes
Genade,

In tzeier
ley weys
strafft goth

Dñe ne ī fu-
rore tuo ar-
guas me.
ps. 6

Ihesus

Wie aber hierinnen gotliche gna-
de in solcher teglicher buße wider Adams seuche vns
von nothen vnser creutz/auch so gotliche hant mit an-
ruret so senfft vnd leicht macht/derhalbē die hochlich
bitten vnd gantz gelassen nicht selbst hindern/sunder
altzeit nach gottes gefallē begerē vñ erlangē zwoleben.

Das Neunde Capittel.

31. ps.

Firmabo su-
p te oculos
meos.

Genes. 12

Ein mercklicher trost vber den 31/den wir hierinne
nennen den andern bußpsalm ist vns vorheissen das
got spricht/ich wil dir vorstandt geben/vnd dich vn-
therweisen in welchem wege du wandern salt/Ich
wil mein augen stete auff dich haben/wil dich nicht
lassen/du salt nicht vorsinken/wil dein nicht vorges-
sen/wil dir meisters gnung sein/wil dich fuhren den
wegk darin du mir gefellig/dich duncktes sey vorder
bet/wen es nicht gehet wie du gedēckst/das gedēckē
ist schedelich vñ hindert mich/es muß gehen nit nach
deinem vorstädt/sunder vber deinen vorstandt/nicht
wissen wo du hingehest/das ist recht wissen wo du
hingehest. Also ging aus Abraham von seinem vather
landt/vnd westedt nit wohin/er gab sich in mein wis-
sen/vnd ließ sarē sein wissen/vñ ist kōmen den rechten
wegk/an das rechte ende. Sich das ist der wegk des
Crewtzes/den kanstu nicht finden /sunder ich mues
dich fuhrē/als einen blinden/wie dan clerer mit for-
derm inhalt durch den Eherwirdigen Augustinū
vber genanthē Psalm seiner auslegūg beschrieben.

Wye gehort wo got meister wir schuler/gelassen ihā
blint gantz seinem gotlichen willen gleichformich be-
funden/ehr der wegk antzeiger/wir die nachuolger/

Ihesus.

magt nyemant irrefürth werden / dan got ist der wege / die warheit / vnd das leben / da ist nicht erweyt weniger freude / dan rhw / da wirt nicht dz lebē / dem thot furesetzt / da ist kein burde (So got meister / anleitther / der wege / die warheit vnd das lebē / mit hulff tragen) beschwerlich / kein Creutz nicht bitter oder erschrecklich / welche aus Adams krefft vns fuert zu nem alles wer vntreglich vnd vnnuglich zuenden / wie wol fast offenbar vnde clare am tag. So wirt doch noch klerer in Sācto Petro / meniglich vnuorbor gen / solche warheit roborirt vnd betzeugeth / dan eben Petrus in dem vor andern / Adams werck also bluent / gantz grune vnd frisch / der auch also das leidē vnd den tod Christi kunfftig nicht mocht hore / sich vnderstundt zuwidder rathen zc.

¶ Auch nachmals / durch eins weibleins stymme also erschreckt / vnd schwach befunden / bis so lange die gnade gottes ihu Christus mit den augen der barmhertzigkeit yn ansach / in sich selbst schlugt / der wordet des herzen indechtig aus dem hoff Layphe bitterlich beynende gegangen / balde hernachmals auffmerckliche schwache / risens stercke durch die gnade gottes erlanget / fort an nyhe beschwerde was schwach / was leides / wie grausam dye Tirannen / was schleg von den inden / auch wie peinlich sein creutz zu Rom an dem er also gesterckt vmb Christi Ihesu willē mit heiligsten Paulo do selbst entheubt / nach vil getragenen creutzen freudsam beyde zeitlich gestorben / vnd zu ewigen leben von got angenommen.

¶ Welcher beschlus erfordert den nachfolgendē eingangt / das vber sulch tegelich buessz / vnd auffgelegte creutz (so wir auch die als von got angenommen sensst

Johan. 14.

On⁹ meū lee
ue. Mat. 11.

Adams
werck.

Mathei. 26.
Egressus pe
trus fleuit a
mare.

Gnade
gottis

Ihesus.

Non sufficit
imo et nulla
est iterior pe
nitentia nisi
sacramentalis
sit cōsecra
tione.

tragen (noch nicht genungsam / sonder auch die Sa
cramentalische buesz aus dem rosenfarbē blute Christi
Ihesu herfließende vns von nothen vnnnd gantz des
mutig tzu suchen.

Das tzehende Capittel.

Apud dñm
miscōia et co
piosa apud
eū redēptio
ps. 129
Esai. 43

Vor allen andern das erst vnd vornemlichst zuwils
sen / das die gantz genungthuung vñ außzleschunge vn
serer sunde / reinigmachung der sehlen Christi Ihesu
des son gottes einig werck / auch allein bey ym genüg
sam vnd vberflüssig suchen vnd zufinden sey / Welcher
selbst redt vnd spricht durch den propheten Esaiam /
Ich bin / ich bin der do außzlescht deine vnrechtigkeyt
ymb meinent willen (nicht auß deinen vordiesten / son
der meiner gutikeit / vnnnd deiner sunde werde ich fort
an nicht gedencen.

Ad philip
pen. 2.
Obediēs vñ
q̄ ad mortē
mortem aut
crucis.

Calixt⁹ pas
pa in ca. nō
decet. 12. dis.
c. Dis vtri
usq̄ sex⁹. de
pe. et re.

Darauf ich wil vnderricht haben das wie Christ⁹
(welchs gantz leben als gesagt ein creutz muhe vnd ar
beit befunden) sich nicht hat lassen benugenn / sonder
vber das alles auff ein neues vnd vberflüssig an dem
heiligen frohnen creutz Adams vbertrethen erstlich
gebuesset / vnnnd eh sein leben wollen volieszē / dan des
vathers mandats vnd befelhe vbertrethen / Auff das
also der etwan am holtz vberwunden / ym holtz auch
widerumb solt werden vberwunden / durch Christū
vnsern hern / welcher gehorsam Christi gegen got seine
vather erfordert den gehorsam in nachfolgē des Chri
sten menschen gegen seiner mutter der Christlichen
Kirchē die vns itzt aus erster vormanung zu dem brie
ster durch die Sacramentalischen buesse gefordert / re
mittirt hat / vnd angeleitet / wie dann auch Christus

Ihesus.

vber das er aus eignem vnnnd einigem gewalt/ die bes-
flechten aussetzigen gereinigt/ vñ die sunde der mensche
allein ausleschet/ dannoch die selbigen sich auch zuer-
tzeigen den briestern geheissen vnnnd vorschaffet/ nicht
an vrsach wer voran gereinigt/ den briester einen artzt
der sehlen zwischen got vnd vns einen mitler zusuchē
dan dieser meinung Christus erstlich Lazarum vom
thode tzum leben erweckt/ Nachmals den Aposteln
den auff tzulesen wo gebundē/ befolhē vns vnuorbor-
gen/ wie dan clerer vnnser heiliger vather Augustinus
mit den scribenten vber den Magistrū Sententiarū
hierinnen schreibē vnd antzeigen/ wil der beschreibūg
hiermit geschwigen den meinen (sampt mir bis herge-
brachten sunder) von got zu beichten gnediglich gefor-
dert/ der vmb ein rewig hertz vnnnd einen gebrochnen
geist gebethen.

Johā. 11.

li. de vera'z
falsa penitē.
ca. 110.
17. dis. qrtl.

Wo nun fortan seiner sunde mocht gentzlich gelosen
den rechten artzt seines aussatz finden/ in welchs an-
schawen alle anhangēde schlangē/ vnd gifftige biß des
feindes müssen abfallen/ nicht schaden/ sunder gantz
gesuntheit erlangen ytzmals in ersten blick anweisen.

Das xylfte Capittel.

Moyse der besunder freunt gottes mit seinē wi-
derspenigen harthelsiegen volck/ das oft vmb seiner
sunde willē von got hertigklich gestraffet/ ist vor allen
der erste auff der bane zw dem warē Melizeo dem eini-
gen artzt vnnser aussatz) zw Christo mein ich) in der
spuhre gesehē vñ befundē/ da sein volck in erkentnus
vbeler handlung tzw ym schrey vñ sagt also/ wir ha-
ben gesündigt/ wan wider got den herren/ vnnnd dich

¶ ij

Lernoch
populus il-
le dure cemi-
cis est
Exodi. 32.
qrti regū. qn-
to.
Nūeri. 21.

Jesus.

haben wir geredt (dann feurige schlangen fast hitzig vnnnd flämisch in dem bisse/vorhing got vnder sie also zuthoten vnd sie zuquelen) bitte das er diese vorgifft schlangen von vns wolle abnemē. Darauff Moyses gebethē vor das volck/vñ der herre zw ym gesprochen/mach ein /erczene schlange/setze die zw einem zeichen (als vil geredt das die von ferren vnd vilen mag gesehen werden) Auff das welcher geschlagen vñ vorgifft sie ansicht wirdt lebē /zw weme aber vns nuhn / nicht vnther halbwerge nicht vortückelt / nicht in der nacht / nicht in der figur /sunder vnther volckōmenheit / gantz clar am tag vnd in offentlicher warheit diese Moysische spuhre getragen wolle Christus der einig artzt selbst ansagē den wir vornals gehört /ich bin /ich bin der außleschet deine vngerechtigkeit ꝛc. Der sich auch lest vornemē do er handelt vor dem neuen menschen / vnnnd neuen geburt mit Nicodemo gesprochen /tzw / gleicherweisz als Moyses hat erhocht die schlangen in der wustnus /also mus auch erhocht werde der soñe des mēschen auff das ein ytzlicher in yn glaubendē nicht vorderbe /sunder hab das ewig leben.

Esaiē. 43

Johānis . 3.

¶ Aus welchem vornehmen das nicht das volck geheissen mit eignen schlagē sich zutzerren oder zureissen dan durch die bisse mehr peinlicher vnnnd ferlicher die wunden /sunder gestrackt yr gesuntheit zuabfallung eygener /in anschawung der auffgehangnen schlangē solten suchen /derhalbē alle (dieweil ferlicher vorwundet vnd vorgifft an der sehlen /dan etwan dy iuden mit solchem gifft der schlangen an dem leibe) die aus eygenem vormugē buesse /muhe vñ arbeyt an aufferhebung yres gemuthes vnd hertz zw dem habenden die gestalt (aber nicht das gifft der schlangen) zu der yn

Yhesus.

bluthe schweissenden Christum in yhrer warer busse
sich wollen lassen anleiten vnd befinden.

O hochster trost/o edeler artzt/o hochste barmhertzi-
keit/da got hat gesendet seinen sone in die gleichnus
des fleisches der sunde/hat die sunde von der sunde
vordammet.

¶ Wan er ist kōmen sterblich/leidēlich/vñ der gleichē
hat mugen wegnemē die sunde/von wegē der gleich-
nus des fleisches/der sunden/ist er vehig der genūg-
thuung/wan er mag fasten/beten/almsūßgebē/vñnd
sich selbst got zu einem opffer auffopffern/vñd diese
alle vñd yede buszwirkung aller erweltē/hat got seinē
heubt auffgelegt.

¶ Hat also auch mugen wegnemē die sunde/wann
er hat nicht geraubt die gleichmessigkeit gottes/sun-
der er ist von nature der almechtig/vngemessen/ewig
mit got vñgeendt.

Ad Ro. 8.
Abittēs de
filiū suū i sū
militudinez
carnis
Ad Philip.
2.

Paulus.
Non rapinā
arbitrat⁹ est
ad Philip. 2

¶ Von wegen dieser gleichnus mit got mag er vorur-
theilen/wecknemen/ausztilgen vñnd abwischen aller
menschen vbelthat vñd sunde/wan er als got hat vn-
ser alle sunde sein gemacht/durch die aufflegung des
buszwirkung für menigklich/vñnd er als mensch der
geliden vñd gestorben ist/hat gnuggethan für vns al-
le/wie dan der höchsten warheit tzugefallē der Eher-
würdig der Reformirthe Augustiner in deutscher Na-
tion Vicarius zc.in Nurnbergischer predig/wie erst-
lich angetzeigt/vormeldet/vñd auch wie hernach vol-
get/forder von dysen eynigem vnsern sunden busszer
(Christo)beschriben/vñd waserley weiß vnser sunde
auff sich genomen.

Esaie. 53.

Ihesus.

Dan vber das hochst werck seiner barmhertzigkeit (welchs wir mit bestendigstem gemut glauben zusein die heiligste menschwerdung) da die hochste barmhertzigkeit mit hochster armselikeit ist vorknupffet / da der ewig got tzu der sunderin tzu heyraten nit vorsschmecht / vnd das in der gestalt Christo vnnserer sunde auffgelegt werden.

Das zwelfft Capittel.

Osce. 2.
Ihere. 3
Ps. 18.

Canticor. 2

Von diser allerbarmhertzigsten vornehmung vnnnd heyrat Christi haben die Propheten vorlangst geredt Oseas / Hieremias vnd Dauid gesungen / im himel hat er seinen Tabernackel gesetzt / vnd ist als ein brutigam von seiner schlaffkämern ausgegangen zc. vnd ist tzu mehrerem trost hierbey tzuwissen / das zwischē Christo / vnnnd den Christenmēschen ein warhafftige Ehe iha die allerwarhafftigst / ehist gegen welcher vnser / Ehe (wie wir wissen allein ein Sacrament / vnnnd ein schatten) tzuachtē / dan der Contract zwischē man vnd weib erfordert das sich ein yedes dem andern ergeb / das ist das der man des weibs / vnnnd das weyb des mannes sey / das der man gewalt hab vber den leib des weibes / vnd widerumb das weib vber den leib des mannes / aber nicht vber den geist / Auch das der man gewalt hab nicht als vber ein mayt / sund eyn gesellein vnd gehulffen der geberung / Balde befundē das dieser gewalt der ehegenassen nicht kührfrey sey / sunder gemessen / darumb vielein andere verbindung zwischē Christo vnd einem christēmenschen / da wid geist / sehle / leib / nichts außgeschlossen / daruon glorürt die christliche braut / mein gelibter ist mir vnd ich

Ihesus.

bin ym/ich bin ym aus der pflicht/er ist mir aus der gnade.

Inn der vornahlung vnd barmhertzigistē heyradt ist der hoch trost entstanden/das der Christen hab alles das aus gerechtigkeit/der ehe der breutigam der brauthe pflichtig ist/ das der Christen hab alle nutze die ym aus Christo mugen entstehen/ihā das auch der christen Christū als sich selbst hab/von der hochē gabe/von der gestifften ehe/da hochste barmhertzigkeit mit hochster armfelde oder durfftikeit vorknupffet Glorirt Esaias. Ein kidlein spricht er ist vns geboren vñ ein son ist vns gegeben. Wer aber vñd wes son sagt Paulus das got seinem eygenem sone nicht vber sehen /sunder den fur vns alle vbergeben/ So er vns nuhn seinem son gegebenn /wye hetthe er dan nicht pillich vns auch alles das des sones mit ym gegeben/ Daruon forder Paulus spricht/ das got gesant habe seinen son(mit sichtigem leibe)formirt aus einem weißbild vnder dem gesetz/die tzu erlosen /Augustin⁹ vnd Sanctus Thomas/Dan eben darumb der son gottes worden ein son eines menschen. Auff das er machet die menschen tzu sein kinder gottes.

Esate.9.

ad Ro.8.

Paulus ad
Galathas 4

B. Thōas
opusculo sexto
de humanitate
christi.

Dedit eis
potestatem filios
dei fieri
Johan. 1.

Aus welchem mehr trostlicher geflossen/das noch nicht der hochste barmhertzigkeit gotes gnüg geschee das er tzu der sunderin tzu heyratē nicht vorschmecht hat/Es ist noch eines vorhanden/das er vnser sunde sein machet / darmit tzu gleicherweiß ein Christenn durch die gerechtikeit Christi gerecht ist / das auch Christus(der doch von natur vnsundtlich ist) durch die sunde des Christen vngerecht vnd ein sunder sey/wiewol frembd den vnuorzstendigen heiliger schrifft/ So wirt er doch aus vnsern sunden/ vñd eygenen

Ihesus.

ps. 21.

worthen (do am creutze gesprochen / mein got warüb
hastu mich verlassen / von meinem heile seint ferrē die
wort meiner sunden) also vberwunden vnd vnser sun-
den einiger buesser vnser sunde der doch gantz an sun-
de vnd vnschuldig befunden

Isaie. 53.
Johannis. 1.
Leuitici. 16.

ps. 50.

Wie sie aber dein sein o aller gutigster ihesu furware
ich sich dos der herre in dich gesetzt hat aller mensche
sunde / vnd du bist allein das lemlein gottes der du
wegnymest die sunde der welt / du bist beide bock in
der menscheit bistu als auff den das losz gefallen ist /
vor vnser sunde dem hern auffgeopffert / in der vnster-
blichen gottheit lebestu in ewigkeit / vnd bist der auß-
getriben bock / wan alle vngerechtikeit der kinder Is-
rahel / alle yre missethat vnd sunde legen sie auff dem
haubt / von der buesse / von dem althar beschreibet der
Psalmista / als den wirstu angenehme haben das opf-
fer der gerechtikeit / vnd die holocausten / vnd andere
opffer / dan werde sie auff deinen althar selber opffern

Adams
werck.

Als solter sagen das sie ytzt geopfferndt werden /
ist nichts geopffert. Es ist nur ein figure diese zeit kel-
ber opffern / den werden sie die rechten selber opffern
das ist den eussern Adams menschen auff das creutz
opffern / vnd in zw nichtig machē / mit Christo creutzi-
gen des creutz aller selber (das ist aller deiner angeno-
men opffer) einiger althar ist. Darbey mit schrifft der
glaubwürdigen / wie beichten / reu vnd leyde genung
sam buszthuung an gottes gnade beystandt / iha an
sein selbst buesse von vns aus Adams kressstē vnfruch-
bar sey mugelichs vbleis bis her schriftlich / vnd vor-
mals mundtlich gepredigt vnd angetzeiget.

Aber erst gethaner zusage nach wil sich hierynne /

Ihesus.

nach beichte vnd buesse/von dem hochwürdigstem
Sacrament/dem heiligstem wahreleichenam Chri-
sti Ihesu/wie seligklich vnnnd wol tzu entpfahen/re-
de haben/von nothen vnnnd vnterricht geben (wie
vorheischen) mir tzugeburen.

Derhalben wie ubel die handeln

solcher höchsten gab gering achtende/des hochwür-
digstem Sacraments oft manch ihar vnnnd tagk
nicht begerende/Auch wie strefflich die alleine aus
gewonheit oder aus forcht des ernsten mandats
der kirchen so gantz vngeschickt/Iha oft fuller sun-
den das entpfahen/widerumb etzlich mugelichs
vbleis vormittelst der gnade gottes sich geschickt/
vnnnd doch so vndanckbar durch sunden/solch aller-
kostberlichst Testament/den hochbegerten gast so
schonodigklich (oft tzubeforgen am ersten tag) wider
von ym austreiben.

*Omnia vtri-
usq; sex⁹ de
pe. et re.*

Das dreitzehende Capittel

Wer sich mit Christlichen augen vnnnd mitleide-
lichem hertzen wolt ein wenig vmbsehen/dem wur-
de balde eine erbermlicher tzustant/vnd Christliche
nothe tegelich mehr vnnnd mehr erwachsende bege-
gen/vnnnd ob er nicht sunderliche vnterricht/wurde
ynen nicht die hertzlich schrift aus Vm durch den
ehrwürdigsten in Christo vather Raymundē wey-
lendt Cardinalen babestlichem legaten zc. am dreissi-
gsten tag Julij im Tausent funffhunderthen vnnnd
einem ihare/dem gantzen Romischen reiche/allen
stenden tzu geschrieben/do er antzeiget das auff die

B

Ihesus

selbigen tzeit inderhalben. i. iharen der grauffamst ty-
ran des creutzes Christi Ihesu / nach dem teufel der
hochste veindt der Turcke / den ann vntherlassze
durftet nach Christlichem bluthe vorgiessen / iha
mehr dann den dritthen theyl der werledt / vonn
der Christenheyt / vnnnd andern vmblicgenden / dem
Kriechischen Keyserthum / kunigreichen / insulen /
vnnnd landen vnther sich gebrochenn / berurth auch
wie der allergutigste furste weylent Romischer key-
ser Fridrich (der dritte des nahmens hochlob-
licher gedechtnus) ym mundtlich gesagt / das zu
seinen tzeythen / aus seinen landen ehegenanthe grau-
sammen bestia / den Turcken meyn ich / mehr dan
tweyhunderdt mahl tausent menschen / vber allen
brandt / schaden / vnnnd schmach hab wege gefu-
redt / geschweyg was mitler tzeit geschehen / weye
hart vor funff iharen / Vnnnd vormals nyheso na-
hendt auff vns Teutzsche allenthalben sich geru-
stet geweldigklich / auch an allen widerstandt / vnd
gegenwehre gedrungen / wie aber itzt seinem teuf-
lischen fuhrnehmen nach / mehr genanther Trach
die Christenheit auff das newe gross entsetzet / vnd
hartte erschreckt / wirdt vnns aus tegelich newen
getzeichen / erbermlich fuhrgetragen / lassen wir es
hiermit bleyben bey den Turcken / sehen vns selbst
an / wie viele nicht rede ich allein zwey drey oder
vierhundert tausenth Christen (dann der tzal al-
lein got bekandt) inderhalben viertzeihen iharen /
vber alle gots dinsts tzerstohrung brant aller vn-
that voll / sich vnder einander wie das vye tzer-
fleischet (die doch got so thewre gekaufft / mit seine
rosenfarben bluthe also gereinnigt) vnther einan-

Ihesus

der aus vngehorsam sich gemordet / vnnnd erberm-
lich nicht cleinster theyl tzu besorgen an leyb vnnnd
sehen erwurgt haben / Nicht ferren ist die antwort
menigklich spricht / das vnnser sünde / wie dann
recht geredt solchs ihāmers ein vsach / Ich sprich
auch also / dann eben dem hebraischen volck / et-
wan nach yhren sunden wider got gehandelt also
ergangen / Aber dar vor / halt ichs / wiewol alle
gotlicher geheysse vbertretung got tzu straffen in
denen vnnnd dergleichen / das dannoch solchs iam-
mers sich tegelich mehr vnnnd mehr ereugende / die
geringe schatzunge hochster barmhertzigkeyt / mit
durfftigster armiseligkeyt / was got gehabt vnnns in
seinem sone gegeben / vnnnd was sünde des men-
schen / der auff sich genohmen / vnd das allerhoch-
würdigst Testament des heyligen fronleichnamis
vnnns tzu einer speys der sehen gegeben / also vn-
dancckbar ann vnd auffnehmen / nicht achten vnd
vnehren / die fuhrnemlichste vsach befunden / dan
als fur vnnns die schwere buesse Christi Ihesu /
mit seinem willigen vnnnd bittern thode vor andern
das hochste / vnnnd nach dem die hymilische speys /
des wahren hymelbrots / ynther vilen vns ertzeyg-
then wolthathen / die vernemlichsten beschrieben /
Also auch nicht vnpsillich / der selbigen vorachtung
vnnnd mißbrauchung vor andern / von got schwere
straff vnnnd plage erfordern / Dann aus diesem
grundt / das die Romer etwan nach Osterlicher zeyt
das hochwürdigste Sacrament empfangen balde
ynn das alde strefflich leben midt andern vn-
fug gefallen / wurde got mit schwehrenden plagen vnnnd
straffen / sie ann tzugreyffen vorursacht / Darvon

B ij

Johan. 6
B. Tho. 4da
libero 5. ar. 6

Ihesus.

Letanie ma
iores.

Augusti. l. c
quortidie de
con. dis. 2

Fabi. Papa
Et si nō fres
quēti⁹ de cō
se. dis. 2.

nisi māduca
ueritis 26
Johan. 6
Deutero. 32.

Luce. 10

der gros Gregorius die grossen Letanien/ wie wir
wissen pald nach Ostern in gantzer Christenheit zu
halden in ewige zeit vorordent/ wie vncristlich wir
vns aber gegen der hohen gabe/ dem allergutwillig/
sten Testament/ vns von Christo testirt/ vnd ym be/
schluss des althen vnnnd anheben des newen Testa/
ments/ sich selbst vns gegeben/ hierinnen tegelich er/
tzeigē/ mag geistlich vñ werntlich itzlicher in seinē stat
bey ym selbst balt erlernē/ wer aber scherffer auff ihar
lichen gebrauch der entpfencknus des hochwirdig/
sten Sacraments sich wil vmbsehen dem begegēt/
wie hitziglich im anheben vnd pflantzung Christ/
licher Kirchen die menschen iha tegelich/ oder auff
wenigst am Sontag zu entpfahen das hochwirdig
Sacraments begirig/ Nachmals nicht heiß/ sunder
lewhelicht/ Ob nicht offter auff wenigst ym ihare
doch zu dreyen mahlen/ ytz aber bey vnsern getzeitē
gantz kalt wir (in den dise inbrinstige liebe so gar er/
loschen) wo nicht aus ernstem Christi geheisse/ vnnnd
seiner Kirchen mandat groster theil diser hymilischen
speiß tzubeforgen/ auch von ihar zu ihar nicht wur/
den begeren/ O Adams werck/ o durfftig leben/ was
thu wir vns mit einem halbtthotigen leib also selbst
tzeyhen/ so wir diser speiß/ vnd dis tranck's berawbt
nicht mugen haben das leben. O Adams kint/ o got
tes gnade/ mein wünsch (wie Moyses saget) das solch
menschen mochten behertzen/ vorstehen/ vnnnd was
kunfftig solten voransehen/ dan wie ernst etwan das
gemenscht wordet/ der son gottes auff erden gehort/
gegen denen die seine iunger nicht wurden ann vnnnd
auffnehmen das leidlicher den in Sodomis gewo/
net dan gegen ynen in disem tag wurde vorgenommen.
¶ Dem also nach etzliche nicht diser hymilischē speiß

Ihesus.

beraubet/aus gewonheit die andern aus forcht des
ersten mandats der kirchen/wiewol vngeschickt vnd
gantz voller sunden/sich hauffig/vnd in gedreng hier
innen des wahren himelbrots gantz girig ertzeygen/
wol tzurunschen/O edler got/das sie behertzte/vor
stunden/vnd auff das kunfftig mochten habē ein an
schawen/wie Paulus(vnser besunderer zwelffboth)
sie treulichs vbleis warnedt vnnnd besther meynung
anredet/do er schreibet/das ein mēsch sich selbst wol
le probiren/vnd in ym selbst erlernen/auff das nicht
vnwirdig diese entpfahung/tzw ewiger vordumb
nus ym mochte gedeyen.

Deutro. vti

1. Thon. 11

Auff die meinūg/auch wie offtmals sich menlich
ertzeiget/wahrnet/schreiedt vnnnd vormanet in vielen
seinen buchern vnd schrīfften vnns mit andern der
gots gelart Augustinus/wie auch registirt/was ge
schichts sich ereuget in Juda dem vorrether/nicht
das von dem tisch des herren/aus dem abentessen/
etwas bosz ym gereichet/sunder darumb das er des
guthen vbel genomen/vnnnd mißgebraucht/hab stat
geben dem teufel/von stundt an in yn eingegangen/
Darvon schreibet sanctus Thomas in dem ampt
der aller gnadereichsten historien des hochwirdigstē
Sacraments/das solche speiße nemen die guten vñ
bosen/den guthen das leben/den bosen der thodt
werde befunden.

in ca. Sicut
Judas & cō
se. dis. 2.

Sumunt bo
ni sumūt ma
li.
Mors ē ma
lis vita bōis

Aus welcher alle bisz hicher gehort
balde erfordert tzusagen/beschreibē vñ wissen was
vor dem tzugack/im tzugack/vñ nach enpfengnus
des aller großwirdigstē Sacramēt tzuthun vō notē

B iij

Ihesus Das viertzehende Capitel.

I Adams kressen an gottes genade nicht mugelich
tzum lebenn/aber wol tzu dem tode mechtig/dyße
hymnliche speiß tzu entpfahen/derhalbenn Gotliche
genade hyrin gantz girig vnnnd gewertigt hoch von
nothen/vnd erstlich in der schicklikeit vn̄ vorbereitug

1. Corin. 11.

I Ehe dan der mensche tzu gehe/In welcher dem
menschem/nutze vnde selig das er erstlich in sich
selbst gehe. Ob auch/nach mit irnig eyner oder me-
rer schwehenn sündē beladen/vnde getrewlichs
vbleys Paulum horen/wye vorgespochenn/das
sich der mensch wol Probire/vnnnd in ym selbst er-
lernē/dan wo wissentlich/in sūde aus scham in der
beicht vorschwygenn/tzugeht/wirt der thodt der se-
len ym ertheylet.

Matth. 7.

I Vor das ander ym nodt tzu habenn/vormittelst
der genade Gots mugelichs vbleis̄ eynen starckenn
vorsatz/forth an/sein leben langē/sich vor sundenn
tzu huthen. Darvon baldt am tag/wye vbel dye han-
deln/wye streflich/vnnnd gantz widder got ir leben
befundenn/alle ihar beichten/doch nyhe der meyn-
ung anderst dan balde nach Ostern widder in dye
althenn bann/Adams werck/den gros gebenethen
wegē der tzu der hellen tregt/tzutrethen/nicht durch
gothes beystandt/durch die engen pforthē die tzu
dem leben anleitet/hofflich vornehmen.

I Es ist auch vor das dritte nicht vnnodthe. Ob
ymandt widder wille in tzoim (nach beleidigung)

Jesus

ym hertzen gegen seinen neechsten / das vor solcher hy-
melischen speiße / der werde außgerudt / weggelegt /
vnnnd vorzonet / dan so Christus nicht anders / wyl
auch vnser opffer (ob wir auff dem weg tzu dem al-
tar indechtigt zc. Zu widderterung vnd erstlich mit
dem vnsern bruder vorsunung) nachmals auff den al-
thar gelegt haben / viel mehr vor disem tzwogangt tzu
solcher ablegüg vñ vorsunüg vorursacht / vñ tegelichs
bets (vorgib vns herr als vnnnd wir vorgeben) wolbe-
hertzt vnuorgessen / dan eben wie vil reiner dis hoch-
wirdigst Sacrament alle ander opffer vbertrethen /
Also auch vil mehr rein vnd gantzlautter sol von der
briesterschafft geopffert genomen / vnnnd von menig-
lich sal geehret werden vnd entpfangen.

Matthel. 5

in ca. nihil 8
2se. dist. 2

¶ Aber in der schickligkeit so ein mensche nuhn schyr
auff dem weg / ym tzwogang hat er hertzlich wie herr
nach volget tzu betrachten.

¶ Erstlich wolbehertzen das nicht der heyligst va-
ther der Babst nicht keyserliche maiestat (als wir
alle der natur nach menschen) sunder got selbst vñ
ser schopffer / erloszer / vnd am iungsten tage kunfftis-
ger richter tzu der hymelspeis / vñ inuitirt vnnnd
geladen / in himel vnnnd erden nicht edlers dann sich
selbst vñns tzu einer speis der sehlen / vnnnd (auff das
vns des hertzhlicher) in letzter stundt des abentessens
ym eingangt seines heiligen bitteren leyden das alle
vbertreffende / edlest Valet das beste Testament /
dormit er auch bey vñns vorblibe bis tzu ende der
werlt / genadē reichster got mildigtlich gegeben.

Matthel vlt
mo.

B. Tho. i. q. r
to cōtra gen
tl. ca. 76.

¶ Vor das annder vnuorgessen tragendenn nutze
vnd fruhmē dieses vnaussprechlichen hymmelbrots

Jesus.

Johan. 6.

Maria mag
dalena.

Maria egip
ciaca.
Euse. de trās
situ diui the
re.

dann we nütze vñnd gros von nothenn / wol vñns
die ewige wahrheit / ihadie speiße selbst sagen / vñnder
vil andern von dem seinem heiligsten fronleichnam
geredt vñnd gesprochen / Mein fleisch ist warhafftig ein
speiße / vñnd mein blut warhafftig ein tranck / Ent
liches sey dan / das ir werdet essen mein fleisch / vñnd
trincken mein blut / werdet yr in euch nicht habē das
leben / des nütz wolwissende wolt vnberaubt sein dy
wahre buesserin Maria Magdalena / wiewol yhrer
seligkeit durch Christū vorsichert / Jedoch vber dreif
sig iharlicher buesse allen menschen vorborgen durch
gotliche ordinantz / wie dann vor yrem abschidt das
hochwürdigst Sacrament vor hochlich begehredt /
vñnd also erlanget / Dergleichen von Maria Egipci
aca befundenn / so ist denn gelarthen was Eusebi⁹
von dem glorwürdigen Hieronymo schreibt gantz
vñnvorgem / wie der sich an seinem thodtbette ließe
vornehmen / vñ großdankende sich gegen dem hoch
würdigsten Sacrament mit schonen wortthen / vñnd
reinstem hertzen ertzeigen.

Johan. 6.

¶ Ist auch für das dritte dy hoche liebe / gotes barm
hertzigkeit / gegen vnserer tieffsten armseeligkeit / nicht zu
vorgessen / dan all sein proceß / all sein gotlich vornemē
das er gantz in vns was da sein vns gabe / wir in ym
was vnser sein machet / welch vber erst angetzeigt ey
genmachen Christi / vñnd des Christen menschen sich
in seliger eutpfabung des allerhochwürdigsten Sa
craments / wol gantz vñnd gar wil lassen sehen / vñnd an
schawen / da vñ er selbst sagt / wer do isset mein fleisch
vñnd trinckt mein blut / der bleybt in mir / vñnd ich in
ym / Dis ist das broth / welchs von hymel abgestigen
nicht wie do haben gessen. Anna ewhre vether (als

Ihesus.

lein die figure diſſe hymelbrots in der wuſtnus/vnd
ſeindt geſtorben/wer do iſſet das broth wirdt leben
ewigk/Aus den dreyen erwechſt ein tieffe demuth/
darnidt ein menſch ſich befindet/ſo gantz vnwirdig
diſer aller edelſten ſpeis/dieweil aber ſo notdurfftig/
ſal er mit nichtig vntherlaſſen ſich wolwiſſende/einē
armen ſunder/dann wehr ſich der ſpeis vormeinth
tzw ſein wirdig/wirdt in dem ſeynem vormein
then wirdig/gantz vnwirdig/Sunder wie Gerson
beſchreibt/gantz krafftlos in den ſtarcken got ſich er-
geben. Also vnther forcht vnd hoffnung/eingetzwen
get vor got ſeinem hern ſich laſſen befinden/dann in
der weiß als in einem gedreng/ytzt entſetzt/bald ge-
troſtet im abēteſſen die iungern diſſe hymliſche ſpeys
entpfangen/iha vormals lang die figur das Oſter-
leinlein mit lactucken tzuweſſen/das ſueſſe/sawer vnd
bitter beyeinander tzuhaben gebothe/als dan nutzer
im hertzen/dann an das hertz mit dem munde viel
bethen mit Centurione geſprochen/Herr ich bin nit
wirdig das du eingehet vnther mein dach/sunder
ſprich ein wort/ſo wirt geſundt meine ſehle.

Gerson ſup
magt pte. 3.
tracta. 9.

¶ Wie vor vnd in dem tzugange/also auch wen tzu-
gegangen/wes ſich der Chriſten menſch ſal ertzeigen
nicht an nutz wol tzuwiſſen.

¶ Erſtlich das nicht mit dem müde(dan von nothe
das er ſey wolgeſchloſſen)sunder der also von got ge-
ſpeiſet/mit dem hertzen ſal demutiglich got danckē/
in aller warheit reicher/ob er hymel vñ erden an diſe
hohen gabe entpfangen ſich pillich ſchatzē/als dan
vnther ſolcher andacht/auffſtehen vñ tzu mehrer
vortzerung des hochwirdigſten Sacraments aus

2

Ihesus.

Lucas. 24.
et ultimo.

Dem Kelch / nicht auff Behemische der Hussithen
munire / vnther beyderley gestalt / sunder allein einē
schlechten puhr wein do nehmen / Als dann vor das
ander / was ym anregung mocht geben tzu sunden /
wie dan ym vorgesetzt / dem briester vornitelt der
hilff gottes vorheischen / getrewes vbleis meide vnd
das Euangelium Luce vor augen tragen / wie die
zwen iunger die doch den hern ym tuncfel vnd vor
borgen gegenwertig befunden / gebethen also auch
offtmals hertzlich vnd mundtlich sprechen.

Luce. 24.
Mane nobi
scum dñe.
Luce. 23

D herre vorbleybe bey vns / wie strefflich aber die
ym ersten tag / iha ehe dan rechte vespertzeit in wein
vnd bierhewsern sich truncken vnd bereit anlassen
hohren / mit meinem gott mocht ich nicht vnvillich
sprechen / so als ym grunen / wie dann ym durre sich
werden ertzeigen / dann wo also den ersten tag Oster
licher tzeit / was dann yhres vnchristlichen wesens /
das iharlangt vber kunfftig / nicht mugen vnangeret
nicht strofflich die eldern / hauszvather vnd mutter
hie frey furwandern die der yhren kinder / iunges ges
sindes / nicht warnehmen / gelt tzu naschwerge / als
labfal geben / beste kleider / subtilste langflatternde
schleure / mentel / als tzu eher erbithung dem hoch
wirdigsten Sacrament anleihen / dann wiewol eyn
guthe meinung gespuhret / vn ein gestalt / als ob solch
wesen gantz guth wehr / so doch tzu besorge das solch
thuen die weil ym ihare vngewonet / besunder das
dinstuolck tzu einem wolgefallen / in hochmudt den
selbigen hochsten tag / den andern solch genesch tzu
einer mercklichen vnebre dem hochwirdigsten Sacra
ment also schnell daruō oft ihamer vnd not den el
dern mit den kindern entstanden vnd befunden.

Ihesus.

Die weil aber vom Hussitischen

giffet geret/als nicht vnterzweyerley/sunder einerley gestalt das hochwürdigst Sacrament genungsam/vnd allein heilsam sey tzuentspachē / vns angetzeyget (nicht den wolwissenden) sunder den barfeldigen tzu vntericht ein wenig bedacht tzusagen.

Das funfftzehende vnd letzte Capittel.

¶ Der erst hochgerumbte vnnser vather Augustin⁹ gibt guthen bescheidt/wie der hochbriester Melchisedech/wie auch vrsprunglich gegründet am buche der schopffung/Got broth vnd wein geopffert/das auch der selbig Melchisedech des hochwürdigsten Sacraments die figur vnd bedeutnus Christi (in forderer aussetzung/wie tegelich durch die briester geopffert/vnder beiderley gestalt des brothes vñ weins fleisch vnd blut/blut vnd fleisch) befunden/vnd gewest sey/das auch aus den personen/got des vaters vnd des sons/der heilige geist thut betzeugen/da er spricht/du bist ein briester tzu ewigen getzeiten nach ordnung Melchisedechs/derhalben in beyderley erhebung/erstlich vnter der gestalt des brots fleisch vnd blut/nachmals in dem kelche blut vnd fleisch/alle tzeytt gott/fleisch/bluth/leyb vnd schle/wie dan eygentlich vorhanden/tzu veneriren vnd anzaethen/Aber in dem Sacrament diser hymlichē speys wirdt beyderley vndther einer gestalt/dem der nicht ym ampt der messze gott opfferth/sunder alley n dye artzeney vnd speys der sehlen er sey briester

De doctrina
Christiana
li.4.c.21.
Gene.14.

psal.109.

Ihesus.

oder leyhe begeredt / gereicht / vnnnd beydes in ein/
nerley gestalt / reichlich vnnnd genungsam gegeben/
Wer wol ane noth (wo gots gnade / vnnnd nicht al/
lein Adams werck hierinnen vorhanden) Auch wo
ein fester glauben des menschen / sich hiermit tzu
bekummern / So man auff die wort Christi wolt
rechten vorstandt / vnd auffmerckung haben / nicht
rede ich von allen Beham wolwissende / vnd vier
iharlangt vnther fast Christlichenn leuthenn we/
sende / nemlich in der kuniglichen stat Baur / wie
die mit andern Christlicher nachbarschaft / als
das golt in dem fewre probirt / auch vnther ihm /
merlicher verfolgung / bis auff heutige stunde Christ
licher Kirchen gantz vntherthan / vnnnd anhengig be/
funden / sunder etwan auff das Hussitisch giff /
auff das yr vngehorsam / vnd abtretung von der kirche
mocht einen schein haben die wort Christi da er re
det / von fleische vnnnd bluthe fursich / tzu schutz ge
nohmen / als wer vnther beiderley / brodt vnnnd
wein dieselzer hymnlichen speis tzu gebrauchen / So
doch wahrlich / wo menschen vorstandt / das wor
lebendig fleisch / ann bluth nicht mah werden gege
benn / So aber yhe so sere vnnnd fast auff die worth
Christi / Do er redet von fleisch vnnnd bluth / wie
gros von nothen zc. sich wolthen fundiren vn grun
den / solten sie pillich auch Christum in dem selbi
gen Capittel / do er redt vnd sagt / wer da isset das
brot wirt ewig leben / in welchen in sunderheyth
keines trancks nicht wirdt gedacht / dieweil speis
vnnnd tranck in dem befunden / wissen auch wo yhe
gespeysset das volck / So ist das brot vnnnd speys /
aber nicht des trancks forder ymandt mehr gyrig
gehoredt / Dieweil hunger vnnnd durst / do selbst

Johan. Ber
son lati⁹ pte
pua cōtra he
resim laicoz
de cōmuniō
ne subvtrag
specie.
Johan. 6.

Johan. 6.

Ihesus.

gesetigt / yhe befunden / Ist darumb hiemit einge-
fuhret / dann eyn grosser theyl des vnwissenden
volcks (wiewol tzu grossem alther kohnmen) der
mit diesem errethū als reichet mā ym auch das hoch
würdigst Sacrament / aus dem kelch vorwickelt / wie
ich dann vielmals / vnnnd noch tegelich diese heyl-
ligiste fasten / aus yhrem selbst ansagen befunden.

Aus dem allen augenscheinlich

am tage / wie hochste gottes gnade vnnnd barm-
hertzigkeyt sich ertzeyget gegen Adams werck vnd
durfftiger armiseligkeyt / dann wie wir allein einen
halbthodtlichen leyb aus dem erbermlichen Te-
stament Adams tzu allem boszen geneigt entpfan-
gen / auff das der gantz nicht todlich / sunder aus
gottes gnaden lebendig / ist got mensch worden /
der vnser vather / auch brueder worden / der vn-
ser schopffer sunden bußer / vnser erlöser worden /
der das wahre hymelbroth vnser fehlen eyn speis
worden / aus got enthalden / vnnnd entlich aus got
den eingangk in das ewig leben tzuhaben / Dar-
mit pillich tzu vnns mocht gesprochen werden /
Was solde ich doch mehr thuen meinen weingar-
ten / das ich ym nicht gethan hab / Aus dem auch
fleusset / wie hoch wir schuldig / vormittelt der gna-
de gottes Adams werck / den althen menschen zu
hassen / puluerisirn vnnnd tegelich bis in den thodt
durch got tzu nichtig machen / vnnnd forder nach
der barmhertzigisten gottes gnade / an vnterlasse
gantz girig vnnnd hochgehlissen vnns umbsehen /
dann wie menniglich vnuorborgen / auff das ich
beschliesz mit dem do angehaben / mit dem aller-

Elate. 5.

Ihesus.

Paulus ad
Ro. 5.

heiligstem Paulo/durch des einigen menschen vn/
gehorsam die erbermliche seuche der funde in vns ge/
krochen/Also auch widerumb durch den einige ge/
horsam des son gottes wider entledigt/vnnd gantz
beschliesslich do selbst antzeiget/wie do regirt oder
geherst hat die funde bis in den todt/das wider/
umb die gnade hersche durch die gerechtigeyt in das
ewig leben (vnd das alles nicht anders dan) durch
Ihesum Christum vnsern hern/dem wir allein tzu
dienē/antzubethen/loben vnnd gebenedien schul/
dig von ewen zu ewen Amen.

Deo laus et gloria per infinita seculorū secula

12

Abano

W. J. W.

LEONARDUS NOBUSE

Leonardus

LEONARDUS
NOBUSE

77 L 1054


ULB Halle

3

004 972 252



f
TA → OL



[Guethel, C.: Ein fast (mündlich) abgelesen von Adam Weidner ... 1510.]

Ihesus.

allerheiligste tzeit E.g. vnderessen vō Adams werck
ken/vnd gottes genaden gepredigt/vnnd bester meis
nung allein got tzu eeren ewren gnaden tzu gotlichs
dinsts meerung hochgeflissen/der pilligkeit tzu gefal
len erstlich/vnnd wem es tzu guthe kumen mag (wie
dan gebethen nachmals tzu seliger vnderrich tzu ges
schribenn/mit fleissiger bidt E.g. in genedigem gefal
len(wy dan wol vnnd im besten gemeinedt) an vñ auff
tzunemen. Darmit ich nach got Eegenandte sancte
Anne newe stiftung/meine brueder vnnd mich euren
genaden wil ytmals vnd ewig haben befolhen.

A ij

[Faint, illegible text, likely bleed-through from the reverse side of the page.]